



漢書門類		四三六二號	二一八二號	二一冊
------	--	-------	-------	-----

原	目三六二	二一冊
冊	二一冊	二一冊

內閣文庫	
番號	漢 4362
冊數	21 (2)
函號	277 215



大學
人物
備考



新鐫四書七十二朝人物經籍備考目次

卷一

大學上

紫陽朱夫子

朱熹

程氏兩夫子

程灝

大學經

大學

克明德

人物備考

卷一

目

濂溪

顧諟天之明命

太甲

堯典

湯

康誥曰作新民

詩云周雖舊邦

二句

文王

詩云邦畿千里

二句

詩云綿蠻黃鳥

詩云穆穆文王

二句

衛風淇澳篇

周頌烈文篇

曾子

吳門玉箕楷書

新鐫四書七十二朝人物經籍備考卷一

武進薛應旂原輯

景陵鍾

惺合訂

朱子

序註俱先生筆

朱熹字仲晦婺源人年十八貢於鄉中進士第主泉州同安簿歷四考罷歸孝宗即位詔求直言因上封事明年復召入對乾道三年訪張栻於長沙熹中和舊說序云予早從延平李先生學授中庸之書求喜怒哀樂未發之旨未達而先生沒是日也因與栻論中庸大義淳熙二年呂祖謙訪熹於寒泉精舍編次

近思錄因送祖謙至戴湖陸九淵兄弟來會三年除
秘書郎會有言虛名之士不可用者以故再辭主管
武夷山冲佑觀五年差發遣南康軍事熹自同安歸
奉祠家居幾二十年至郡奏復白鹿洞書院遺址七
年張拭卒於江陵八年陸九淵來訪請書其兄九齡
墓誌熹請九淵為諸生講君子小人喻義利章七月
呂祖謙卒時浙東大飢改提舉浙東常平茶鹽事九
年以賑濟有勞進直徽猷閣辭知台州適知州遷江
西提刑未行熹行部得其在郡姦贓事劾之為時相

原板

王淮所匿而奪其新命授熹熹以為蹊田而奪之牛
辭不拜遂歸十年差主管台州崇道觀自是學者尊
信益衆永康陳寬以文雄於時熹與書箴其義利雙
行王霸並用且謂漢唐行事非三綱五常之正十四
年除提點江西刑獄公事十五年淮罷相遂力疾入
奏是行也有要之於路以正心誠意為上所獻聞者
熹曰吾平生所學只有此四字及奏上除兵部郎熹
以疾告上欲易以他部時相竟授以前江西之命熹
行且辭章再上除主管嵩山崇福宮時廟堂知上眷

厚。憚熹復入。上悟。復召熹。又從詔具封事。投匭以進。疏入。夜漏下七刻。上已就寢。亟起秉燭讀之。終篇。明日除崇政殿說書。熹當孝宗朝。陛對者三。上封事者一。孝宗亦開懷容納。然熹之言皆痛詆大臣近習。故孝宗之眷雖存。而嫉者愈深。光宗即位。除江東轉運副使。改知漳州。紹興元年。赴任。會朝論欲行泉漳汀三州經界。熹初仕同安。已知經界不行之害。至是訪事宜。擇人物。且言必可行之說三。而寓公豪右更爲異議沮之。遂因地震及足疾不赴。錫宴自劾。明年除

荆湖南路轉運副使。漳州經界竟罷。三年冬。陸九淵卒於荆門。四年。永嘉陳傅良報書云。足徵來說。年來或與士友言之。未嘗落筆。愚見願以雅頌之音。消鏗群慝。訓詁章句。付之諸生。又謂二十年間。聞見異同。無從就正。聞欲以書叩之。念長者前有長樂之爭。後有臨川之辨。他如永康往還。動數千言。更相切磋。未見其益。而學者轉相夸毘。浸失本旨。蓋刺畫太精。頗傷簡易。矜持已甚。反涉吝驕。以此益覺書不能宣。要須請見。究此衷曲耳。是年陳亮卒。寧宗初在潛邸。聞

熹名。每恨不得熹為本宮講官。及即位。首召奏事。兼實錄院同修撰。進講大學。熹進解後。復以前所講者編次成帙以進。上亦開懷容納。且面諭以求放心之說甚善。所進冊子。宮中當讀之。今後更為點來。慶元元年。趙丞相罷。韓侂胄誣熹不軌。復謫永州。熹自念身雖退。尚帶侍從職名。不敢自默。遂草書極言姦邪蔽主之禍。辭旨痛切。諸生更諫。以筮決之。遇遯之同人。熹默然。乃取諫藁焚之。自號遯翁。沈繼祖為監察御史。上章詆熹。遂落職罷祠。熹素有足疾。既又加以

瘖。隔之證。六年三月己未。夜為諸生說太極圖。庚申夜。復說西銘。辛酉。改大學誠意章。午刻。暴下不能興。甲子。移寢中堂。良久而逝。葬於建陽縣唐石里之大林谷。嘉定元年。賜謚曰文。熹歷仕四朝。仕於外者九考。立於朝者僅四十日。

程氏兩夫子

程顥

程顥字伯淳。河南人。顥生而神爽。中進士第。調鄆縣主簿。民有借其兄宅以居者。發地得歲錢。兄之子訢

於縣。縣令曰：此無証佐，何以決之？顥曰：此易辨耳。即先問其兄之子曰：爾父藏錢當幾何時？曰：四十年。彼借宅以居，又幾何？曰：二十年。即遣吏取錢十千視之。謂借宅者曰：此錢皆前未借宅前數十年所鑄何也？其人遂服。令大奇之。鄆縣有稅官以賄播聞，然怙力自持。前此監司州將皆憚之而未發。顥至，其人輒言曰：外人謂某盜官錢，新主簿將發某，某勢窮必殺人。顥笑曰：令為言一至於此，足下食君之祿，詎肯為盜？萬一有之，將救死不暇，安能殺人？其人不感言，卒私

償其所盜，以至再調江寧府上元縣。王簿顥嘗云：一命之士，苟存心于愛物，於人必有所濟。時謝景溫尹金陵，說春秋，顥時取之。至言易則曰：非是。程顥曰：二君皆通易，監司談經而主簿曰非是，監司不怒，主簿敢言非通易能之乎？以御史中丞呂公著薦授太子中允，權察御史裏行。神宗素聞顥名，召對之日，從容咨訪。每將退，必曰：頻求對來，欲常相見爾。一日召對，甚久。日官報午正，庭中人相謂曰：御史不知上未食耶？時王安石日益進用親幸，一日顥被旨赴中書議

事安石方怒言者厲色待顥。徐曰：天下事非一家私議。願公平氣以聽之。又一日因論事不合，謂顥曰：公之學如上壁。顥曰：參政之學如捉風。後來安石遂不附已者，獨不及顥曰：此人雖未知道，言忠信人也。顥嘗曰：熙寧初，介甫行新法，並用君子小人。君子正直不合，介甫以為俗學不通世務，小人苟容諂佞，介甫以為有材能，知變通。君子既去，所用皆小人，爭為刻薄，故害天下益深。使當其時，衆君子不與之爭，勢久自緩，委曲平章，尚有聽從之理。小人無隙可乘，其為

害不至如此之甚也。又曰：新政之改，亦是吾黨爭之太過，成就今日之事。塗炭天下，亦須兩分其罪可也。既改差簽，出鎮寧軍節度判官，河清卒於法，不他役。中人程昉為外都水丞，欲盡取諸埽兵，治二股河。朝廷命以八百人與之，天方大寒，役不能堪，遂逃歸。衆畏昉欲弗納，顥曰：此逃死自歸耳，弗納必為亂。即親往開門撫納，諭歸休三日，仍復役。曹村埽決，顥時方救小吳相去百里，州帥劉喚急告顥，顥謂帥曰：曹村決京城可虞，請盡以廂兵見付，事恐不集，公當親

率禁兵以繼之。帥遂以本鎮印授顥。顥命善泅者銜細繩先度決口。水方奔注。達者百一。卒引大索以濟。兩岬並進。晝夜不息。數日而合。將合時有大木自中流而下。顥謂衆曰。得此巨木。橫流入口。則事濟矣。語絕已。木遂橫。衆皆以為至誠所致云。神宗念顥不置。會修三經義語。執政曰。程顥可用為執政。安石不對。又有登對者。自洛至。上問曰。程顥安在。真佳士也。哲宗即位。召為宗正寺丞。未行。以疾終。元豐八年也。年五十四。文彥博采衆議以表其墓。曰。明道先生。

程顥

程顥字正叔。與兄顥同受學於周敦頤。年十八。上書闕下。乞召對。面陳所學。不報。因遊太學。時海陵胡瑗以顏子所學何學論試諸生。得顥所試。大驚。即延見。處以學職。呂希哲與顥鄰齋。首以師禮事焉。元祐三年。除秘書省校書郎。顥辭曰。祖宗時布衣被召。自有故事。今臣未得入見。未敢祇命。於是召對。以為崇政殿說書。四月。例以暑熱罷講。顥奏言輔導少主。不宜踈略。乞令講官三六日上殿。問啓居。因得從容納誨。

以輔上德。五月差同孫覺顧臨及國子監長貳看詳國子監條制。願所定大槩以為學校禮義相先之地。而乃使之爭。殊非教養之道。請改試為課。有所未至。則學官召而教之。更不考定高下。制尊賢堂以延天下道德之士。鐫解額以去利誘。省繁文以專委任。勵行檢以存風教。又上疏太后言。今日至大至急。為宗社生靈長久之計。惟是輔養上德。而輔養之道。非徒涉書史。覽古今而已。要使跬步不離正人。乃可以涵養蒸陶。成就盛德。今間日一講。解釋數行。為益既少。

又自四月罷講。直至中秋。殆非古人旦夕承弼之意。又讀講官例。兼他職。請亦罷之。使得積誠意以感上心。皆不報。二年上疏。奏邇英暑熱。乞就崇政殿延和殿講讀。給事中顧臨以殿上講讀為不可。願復上疏。以為祖宗以來。並是殿上坐讀。自仁宗始就邇英。而講官立侍。蓋從一時之便耳。非若臨之意也。一日講罷未退。上忽起。憑檻戲折柳枝。願進曰。方春發生。不可無故摧折。以講有容字。中人以黃覆之曰。上藩邸嫌名也。願講罷。進言曰。人主之勢。不患不尊。患臣下

尊之過甚。請自今舊名嫌名皆勿復避。時神宗之喪未除。百官以冬至表賀。頤言節序變遷。時思方切。請改賀為慰。及除喪。有司又請開樂置宴。頤奏罷之。曰。除喪而用吉禮。則因事用樂可矣。今特設宴。是嘉之也。經筵承受張茂則嘗招諸講官啜茶觀畫。頤曰。吾平生不啜茶。亦不識畫。竟不往。執政有欲用之為諫官者。頤聞以書謝曰。公知射乎。有人執弓於此。發而多中。人皆以為善射矣。一日使羿立於其旁。道之以穀率之法。不從。羿且怒而去矣。從之則違其故習。而

矣。多中之功。故不若處羿於無事之地。頤非羿也。然聞羿之道矣。慮其害公之多中也。五年丁父憂。除服。三省進呈欲與館職簾中。以其不靜。令只與西監。頤再辭。哲宗親政。范純仁請復召勸講。於是申秘閣西監之命。頤不就。紹聖間以黨論放歸。四年送涪州編管。門人謝良佐曰。是行也。良佐知之。乃族子公孫與那怒之為耳。頤曰。族子至愚。不足責。故人情厚不敢疑。孟子既知天。焉用尤臧氏。赴涪渡江中流。船幾覆。舟中人皆號哭。頤獨正襟安坐如常。已而及岸。同舟

有父老問曰。當危時。君獨無恠色。何也。曰。心存誠敬耳。父老曰。心存誠敬。因善。然不若無心。願欲與之言。父老經去。不顧。徽宗即位。移峽州權判西京國子監。建中靖國二年。仍追所復官。依舊致仕。崇寧二年。言者論其本。因姦黨論薦得官。雖嘗明正罪罰。而輒復過優。今復著書。非毀朝政。於是猶旨。追毀出身以來文字。其所著書。令監司伺察。願於是遷居龍門之南。止四方學者曰。各尊所聞。行所知。可矣。不必及吾門也。五年。復宣議郎致仕。大觀二年。九月。卒于家。年

七十五。呂大防嘗以百縑遺願。願辭之。族子公孫從旁諫曰。勿為已甚可也。程顥言正叔一生不曾看莊列。又謂願曰。異日能嚴師道者。吾弟也。若接引後學。隨人才而成就之。則予不得讓焉。故顥嘗為條例司官。不以為浼。而願所作行狀。乃不載其事。顥謂青苗法且可放過。而願乃於西監一狀。却甚按計。在漢州日宿一僧寺。顥入門而右。從者皆隨之。願入門而左。獨行至法堂上相見。願自謂此是某不及家兄處。胡安國曰。昔嘗見鄒志完論近世人物。因問明道如何。

曰此人得志使萬物各得其所又問伊尹如何曰却不得比明道蓋有不通處也為講官日帝患瘡疹不出顧詣宰相問曰上不御殿太后不當獨坐人主有疾而大臣不知可乎繇是大臣不悅御史中丞胡宗愈左諫議大夫孔文仲給事中顧臨遂連章力詆頤不宜在經筵時呂公著獨當國群賢咸在朝不能不以類相從遂有洛黨蜀黨朔黨之語洛黨以頤為首而朱光庭賈易為輔蜀黨以蘇軾為首而呂陶等為輔朔黨以劉摯梁燾王巖叟劉安世為首而附之者尤衆當時熙豐用事之臣退休散地怨入骨髓陰伺間隙而諸賢不悟各惟黨比以相訾議惟呂大防秦人慙直無黨范祖禹與司馬光不立黨

大學傳注 卷一 二

入彀直無黨故匪與同惡出而立黨
間黨而論贊不群各執黨以心匪譽黨非曰大和泰
此眾當却照豐用事之引引於婚此然人骨端節

大學經

大學

學記發慮憲思合求善良親近足以諛聞諛者小小

不足以動眾興起就賢體遠禮賢足以動眾未足以

化民猶非立君子如欲化民成俗其必繇學乎是故

古之王者建國君民教學為先立學說命曰念終始

典於學其此之謂乎○雖有嘉肴弗食不知其旨也

雖有至道不學不知其善也是故學然後知不足教

然後知困無以應知不足然後能自反也知困然後

大學謂學也
大人者非僻
雍之大學也
然天子至千
庶人則辟雍
之學亦在其
中

勿庸方 卷一 濂溪

人物傳卷一 三 原板

能自強也。故曰教學相長也。說命曰：惟教音學半。其

此之謂乎。○古之教者，家有塾，黨有庠，術音有序，國

有學。比年每入學，中年年間一考校，一年視離經辨志。

離絕句讀三年視敬業樂群，五年視博習親師，七年

視論學取友，謂之小成。九年知類通達，強立而不反

知之精，謂之大成。○夫然後足以化民成俗，近者悅

服而遠者懷之。此大學之道也。記曰：蛾子時術之，其

此之謂乎。○大學始教，皮弁祭菜，示敬道也。有司釋奠于先

師服用皮弁之尊祭用蘋藻之潔使民皆有教學也宵雅肄三，官其始也。宵作

知類通達格
政之學也強
立不反誠正
之學也近悅
遠懷則自身
而及之家國
天下矣

雅鹿鳴四牡皇華三詩皆君臣燕樂之詞祭菜之入

時使肄習之蓋示以居官受任之意于其始也學鼓箎，孫其業也。入學之時大胥擊鼓以召學士至

業也復楚二物，收其威也。擯與荆以作教刑圖其形未

卜禘不視學游其志也不及五年之期不考較也。時觀

而弗語，存其心也。不盡語之切者聽而弗問學不躐

等也。此七者，教之大倫也。記曰：凡學官先事職士先

志。趨其此之謂乎。○大學之教也，時教必有正業，退

息必有居學，不學操縵。弄不能安絃。調緩急不學博

依。廣求物理不能安詩。習高下不學雜服。皮弁衣不

揚子古之學
耕且卷三年
通一經今之
學者非獨為
身單操也又
併其繡其聲

人物備考 卷一 三 濂溪

漢書學者如
於止焉動而
益高如寤寐
焉久而愈定

能安禮考雜服不興其藝不能樂學即上三者故君子之

於學也藏焉修焉正時教業息焉游焉說命曰孫志務時

敏厥修乃來其此之謂乎○良治之子必學為裘良

弓之子必學為箕取其相似而易學者始駕馬者反之車在馬

前使見慣習可駕君子察于此三者可以有志於學矣

大學傳首章

康誥康叔文王之子武王之弟武王誥命為衛侯

克明德

唯三月哉生魄周公初基作新大邑于東國洛四方

民大和會侯甸男邦采衛百工播民和見士于周周

公咸勤乃洪大誥治三月周公攝政七年之三月始

事也斧斤版築之事亦甚勞矣而民大和會悉來赴役王若曰孟侯朕其弟小

子封封康叔名惟乃丕顯考文王克明德慎罰不敢悔鰥

寡庸庸祗祗威威顯民用肇造我區夏越我一二邦

以脩我西土惟時怙冒聞於上帝帝休天乃大命文

王殪戎殷誕受厥命越厥邦厥民惟時叙乃寡兄勗

肆汝小子封在茲東土

太甲商史錄伊尹告戒節次及太甲往復之辭故三篇相屬成文

德為治民之本不得而用
罰慎罰正明德中事故反
覆言之

物備考

卷一

十四

濂溪

人物考 卷一 十一 原板

顧謨天之明命

惟嗣王不惠于阿衡。阿衡商之官名。言天下之所倚平也。伊尹作書曰：先王顧謨天之明命，以承上下神祇，社稷宗廟，罔不祇肅。天監厥德，用集大命，撫綏萬方。惟尹躬克左右，厥辟宅師，肆嗣王丕承基緒。惟尹躬先見於西邑夏，自周有終，相亦惟終。其後嗣王罔克有終，相亦罔終。嗣王戒哉，祇爾厥辟，辟不辟，忝厥祖。夏都安邑，在亳語曰忠。王惟庸罔念聞。太甲惟若尋常于伊尹之言，無所念聽。伊尹乃言曰：先王昧爽丕顯，坐以待旦，旁求俊彥，啓迪後人。

傳謨者此心
榮徽之極
然見賦于源
頭時在日
此顧謨之心
何時非對越
時事而于承
事百神之時
罔不祇肅

厥命字始
丕顯說即天
之明命慎乃
節正無越厥
命句事
止是吾心義
理之則欽者
此心收歛一
分則主宰凝
定一分也

無越厥命以自覆。昧爽之時，洗濯澡雪，大明其德，坐以待旦而行之也。旁求者，求之非一方也。慎乃儉德，惟懷永圖。太甲欲敗者，求之非一方也。若虞機張，徃省括于度，則釋欽厥止。蓋奢侈失之，而無長遠之慮者，若虞機張，徃省括于度，則釋欽厥止。率乃祖攸行，惟朕以懌，萬世有辭。虞虞人，機弩牙，括之所準望者，王未克變，其舊習。伊尹曰：茲乃不義，習也。釋發也。與性成，予弗狎于弗順，營於桐宮，密邇先王，其訓無俾世迷。王徂桐宮居憂，克終允德。徂徃，允信也。有諸德于身也。

太甲

人物考 卷一 十五 濂溪

太甲太丁之子湯之嫡孫也。太甲元祀十有二月乙丑，伊尹祀於先王，奉嗣王太甲，祇見厥祖，百官總已，以聽冢宰。伊尹乃明言烈祖之成德，以訓於王。其詞載尚書伊訓篇中，又作肆命。肆命者，陳政教所當為也。作祖后，祖后者，言湯之法度也。書逸。太甲既立，顛覆湯之典刑，於是伊尹放之桐宮。在平陽府曲沃縣，湯墓所在。伊尹攝政當國，以朝諸侯。太甲居桐，悔過自責，反善。三祀十有二月朔，伊尹乃以冕服奉太甲歸於亳。太甲修德，諸侯咸歸，百姓以寧。伊尹嘉之，乃作太甲訓三篇，既復政，將告歸，乃陳

戒於王，作咸有一德，具見夏書。三十有三祀，王崩，廟號太宗。子沃丁立。

堯典，堯唐帝名，此篇以簡冊載堯之事故，名曰堯典。

曰：若稽古帝堯，曰放勳，欽明文思安安，允恭克讓，光被四表格于上下，克明峻德，以親九族，九族既睦，平章百姓，百姓昭明，協和萬邦，黎民於變時雍，乃命羲和，欽若昊天，曆象日月星辰，敬授人時。羲氏和氏，主官，若順也。昊，廣大之意。曆，所以紀數之書。象，所以觀天之器。璣，衡之屬也。辰，以日月所會分周天之度為十二次也。分命羲仲，宅嵎夷，曰暘谷，寅賓出日，平秩東作。

峻，經作俊，合天下國家之性，言克明無上，夫以親六，句正克明處。

母節有四驗
而其要在子
定二分二至
分至定則四
時節候不差
殷者前此則
為難後此則
為老唯此為
適中也正者
前此微而未
盛後此極而
將衰唯此為
得正也

人為或相習
而成鳥獸圍
于氣本出無
心故帶言之
重厥民分

人牝備考

卷一

十一

原板

日中星鳥以殷仲春厥民析鳥獸孳尾
之義義仲所居官次之名蓋官在國都而測侯之所
則在于岬夷東表之地也寅賓禮接之初出之景也
日以春分之且朝方出之日而識其初出之景也
均秩序作起也東作春月歲功方興也日中者春分
之刻於夏永冬短為適中也星鳥南方朱鳥七宿分
中也春分陽之中也短為適中也星鳥南方朱鳥七宿分
至是則以民之散處而驗其氣之溫也乳化曰申命
華交接曰尾以物之生育而驗其氣之和也申命
羲叔宅南交平秩南訛敬致日永星火以正仲夏厥
民因鳥獸希革
申重也南交南方交趾之地訛化也
謂夏月時物長盛所當變化之事也
敬致冬夏致日伺日而識其景月永晝六十刻也星
火東方蒼龍七宿夏至昏之中星也正者夏至陽之
極午為正陽位也希革鳥獸毛希而革易也分命和仲
而民愈散處也希革鳥獸毛希而革易也分命和仲

宅西曰昧谷寅饑納日平秩西成宵中星虛以殷仲
秋厥民夷鳥獸毛毼
分之所莫夕方納之日而識其景也西成秋月物成之
時所當成就之事也宵中者秋分夜之刻於夏冬為
適中也星虛非方玄武七宿之虛星秋分昏之中星
也亦曰殷者秋分陰之中也夷暑退而人氣平也毛
毼鳥獸毛落更申命和叔宅朔方曰幽都平在朔易
生潤澤鮮好也申命和叔宅朔方曰幽都平在朔易
日短星昴以正仲冬厥民隩
隩音與鳥獸毼音毛隩於到
隩反○朔方北荒之地萬物至此死而復蘇猶月之
晦而有朔也日淪於地中萬象幽暗故曰幽都
也朔易冬月歲事已畢除舊更新也日短晝四刻
也星昴西方白虎七宿之昴宿冬至昏之中星也亦
曰正者冬至陰之極子為正陰之位也隩室之內也
毼鳥獸毛生更毳毛以自溫也蓋既命羲和造曆制
人勿備考

卷一

十一

原板

日與天會而
多五日為氣
盈月與日會
而少五日為
朔虛合氣盈
朔虛而閏生
焉

器而又分方與時使各驗
其實以審夫推步之差
帝曰咨汝羲暨和朞三百

有六旬有六日以閏月定四時成歲允釐百工庶績

咸熙帝曰疇咨若時登庸放齊曰胤子朱啓明帝曰

吁嚚訟可乎吁者嘆其不然之辭嚚謂口帝曰疇咨

若予采驩兜曰都共工方鳩僝功帝曰吁靜言庸違

象恭滔天采事也都嘆美也驩帝曰咨四岳湯湯洪

水方割蕩蕩懷山襄陵浩浩滔天下民其咨有能俾

乂兪曰於鯀哉帝曰吁咈哉方命圮族岳曰異哉試

可乃已帝曰往欽哉九載績用弗成湯音傷於音烏

官名一人而總四帝曰咨四岳朕在位七十載汝能

庸命巽朕位岳曰否德忝帝位曰明明揚側陋師錫

帝曰有鰥在下曰虞舜帝曰兪予聞如何岳曰瞽子

父頑母嚚象傲克諧以孝烝烝乂不格姦帝曰我其

試哉女于時觀厥刑于二女釐降二女于嬀汭嬪于

虞帝曰欽哉朕古人自稱之通號二女堯二女娥皇

降下也嬀水名水比曰汭嬪

大學傳二章

湯大丁外丙

順親之心而
致其齊慄體
親之愛而同
其憂喜是
孝之浸灌格
美格帝精神

人物備考

卷一

七

濂溪

成湯其武功成故曰成湯名履一名天乙湯名履書曰予小子
 廟主皆以帝名配之天亦帝也殷人尊湯故曰天乙
 主癸之子契之後也契佐禹治水有功封於商賜姓
 子氏數傳至主癸娶扶都生湯自契至湯八遷始居
 亳從先王居契父帝嚳居亳作帝誥為夏方伯得專
 征伐夏桀戊寅三十有六歲葛伯不祀湯始伐葛是
 時伊尹耕於有莘之野湯使人以幣聘之五反然後
 從湯言素王及九主之事素王者太素一皇其道質素故稱素王九主者法若
 專君授君勞君等君寄君破君國君三歲社君凡九
 品法君謂用法嚴急之君若始皇是也勞君謂勤勞

天下若禹稷是也等君等者平也謂定等威均祿賞
 若高祖封功臣是也授君謂人君不能自理而政歸
 其臣若燕王噲授子之是也專君謂專已獨斷不任
 賢臣若漢宣是也寄君謂人困于下主驕于上離析可
 伐吳淠等是也寄君謂人困于下主驕于上離析可
 侍故孟子謂之寄君也國君當為固固謂完城郭
 利甲兵而不修德若智伯是也三歲已卯三十七歲
 社君謂襁褓而主社稷若成王是也
 湯進伊尹於桀桀不能用伊尹醜夏復歸於亳入自
 北門遇女鳩女房二人湯之賢臣遂作女鳩女房二篇桀殺
 直臣關龍逢群臣莫敢言湯使人哭之桀怒囚湯於
 夏臺夏臺夏獄名殷曰羑里已而得釋湯出見野張
 網四面祝曰自天下四方皆入吾網湯曰嘻盡之矣

乃去其三面。祝曰：欲左左，欲右右，不用命者乃入吾網。諸侯聞之，曰：湯德至矣，澤及禽獸，況於人乎？歸之者四十餘國。夏桀虐政淫荒，諸侯昆吾氏為亂。歲乙未，湯十有八祀，乃興師率諸侯，伊尹從湯。湯自把鉞以伐昆吾，遂伐桀，升自陟。音而地名作湯誓，桀敗於有城之虐，犇於鳴條。夏師敗績，殷湯良車七十乘，必死士千人，以戊子戰於郟，遂禽移人湯，遂伐三變。音宗國名俘厥寶玉，俘取義伯、仲伯作犧典寶。典常也，言國之常寶也。湯既勝夏，欲遷其社，不可，作夏社。湯既放桀，曰：予恐來世，以台為口實。台，我仲虺，音乃

作誥，既歸於亳，作湯誥，以誕告萬方。咎單作明居。湯司空，明居居民之法也。湯誥，湯誓，仲虺之誥，並見商書。餘書皆逸。是時三千諸侯大會，湯取天子之璽，置之於座，再拜，從諸侯之位，曰：天下非一家之有也，惟有道者理之。惟有道者宜處之。湯三讓，諸侯皆推湯。湯又求卜，隨務光者而讓之。二人皆逸。湯將伐桀，因卜隨而謀。可曰：吾不知也。湯又因務光而謀，光曰：非吾事也。湯曰：孰曰：孰可曰：吾不知也。湯遂與伊尹謀伐桀，尅之，以讓。卜隨曰：隨曰：吾不知也。湯遂與伊尹謀伐桀，尅之，以讓。而讓曰：我必以我為貪也。乃自投，惆水而死。湯又讓務光曰：我必以我為貪也。乃自投，惆水而死。湯又讓務其難，我享其利，非廉也。負石沉于廬水。然後湯即天

子之位改正朔以建丑為正月改歲曰祀水德王色
 尚白都於亳乃至東郊告諸侯群后曰毋不有功於
 民勤力乃事否則予乃大罰殛汝毋予怨又曰古禹
 皋陶久勞於外江漢河淮四瀆已脩萬民乃有寧居
 后稷降播農殖百穀三公咸有功於民各為立後昔
 蚩尤與其大夫作亂天所弗與蚩尤姜姓炎帝之裔
 好兵喜亂作刀戟大
 弩以暴虐于天下帝榆罔不能制命居少顛蚩尤益
 肆其惡攻榆罔于空桑軒轅微師諸侯與戰于涿鹿
 之野擒先王言不可不勉先王指黃帝堯舜等言禹
 而戮之先王言不可不勉先王賞以久勞于外而有後
 有功誅有罪汝今不可不勉也十有九祀大旱二十

祀大旱夏桀死於亭山二十有一祀大旱發莊山之
 金鑄幣賑民歷二十有四祀大旱殷史卜曰當以人
 禱湯曰吾所為禱雨者民也若必以人禱吾請自當
 遂剪髮斷爪禱於桑林之社天之愛人也而謂其當
 以人禱是誣天也湯之
 檢身也而謂其以身為犧是誣湯也唐馬摠
 作通曆凡書上古之事怪誕不經蓋如此祝曰政
 不節與使民疾與宮室營與女謁盛與苞苴行與凡
 賄必以物包裹故摠謂之苞苴記諛夫興與何以不
 雨至斯極也於是大雨方數千里歲則大熟天下驩
 洽遂作桑林之樂名曰大濩濩救也言其能救民也
 湯作樂聞其宮聲使人

三節作一段
勉以法文王
明德而歸重
新民之化

溫良而寬大。聞其商聲。使人方廉而好義。聞其角聲。使人惻隱而愛仁。聞其徵聲。使人樂養而好施。聞其羽聲。使人恭。以立天之道。先陰後陽。立地之道。先柔後剛。作歸藏之易。以坤為首。又作諸器用之銘。以為警戒。

康誥曰作新民

王曰。嗚呼。封。汝念哉。今民將在祗適。乃文考。紹聞衣德言。往敷求於殷先哲王。用保乂民。汝丕遠。惟商考成人。宅心知訓。別求聞繇。古先哲王。用康保民。弘于天。若德裕乃身。不廢在王命。適音王曰。嗚呼。小子封。

天畏三句。指當敬之意。往。盡三句。正敬之道。末引古語。正見不可不敬。天命之安。由民心之安。助者。王自有化民以安命者在。特以應保為之助耳。

惘瘵乃身。敬哉。天畏。斐忱。民情大可見。小人難保。往。盡乃心。無康好逸豫。乃其乂民。我聞曰。怨不在大。亦不在小。惠不惠。懋不懋。已。汝惟小子。乃服。惟弘。王應保殷民。亦惟助王宅天命。作新民。

大雅文王篇

詩曰。周雖舊邦。其命維新。

文王在上。於昭于天。周雖舊邦。其命維新。有周不顯。帝命不時。文王陟降。在帝左右。周公述文王之德。明周家所以受命而代商。言文王既沒。而其神在上。昭明于天。是以周邦雖自后稷始。封千有餘年。而其受天命。則自今始也。

勿備考

卷一

三

源溪

文王

文王名昌。父季歷。古公亶父之少子也。古公有長子曰太伯。次曰虞仲。太姜生少子季歷。季歷娶太任。皆賢婦人。當殷王祖甲二十八祀庚寅。生昌。有聖瑞。季秋之月甲子。赤爵銜丹書。入於鄆。止於昌戶。其書云。敬勝怠者吉。怠勝敬者滅。義勝欲者從。欲勝義者凶。凡事不強則不枉。不敬則不正。枉者廢滅。敬者萬世。以仁得之。以仁守之。其量百世。以不仁得之。不仁守之。不及其世。此蓋聖瑞。又琴操云。文行躬修道德。說

行仁義。天下皆歸。其後有鳳皇。皇銜書於郊。文王曰。殷帝無道。虐亂天下。皇命已移。不得復久。乃作鳳皇之歌。其章曰。翼翼翔翔。彼鸞鳳兮。銜書來遊。以命昌兮。瞻天按圖。殷將亡兮。蒼蒼昊天。始有萌兮。神運精合。謀於房兮。太伯虞仲。知古公欲立季歷。以傳昌。乃二人亡如荆蠻。以讓季歷。古公卒。季歷立。一云。太王將死。謂季歷曰。我死。汝往讓兩兄。彼即不來。汝有義而安。太王薨。季歷之。吳告太伯虞仲。二人從季歷歸。群臣欲太伯立。季歷。季歷又讓太伯。謂虞仲曰。今群臣

欲我立季歷。季歷又讓。何以處之。虞仲曰。刑有所謂矣。要於扶微者。可以立季歷。季歷遂立。而生文王。文王果受命而王。孔子曰。太伯獨見。王季獨知。伯見父志。季知父心。故太王太伯王季可謂見始知終。而能承志矣。殷帝乙七祀。季歷卒。子昌立。是為西伯。遵后稷公劉之業。則古公季歷之法。篤仁敬老。慈幼禮賢。晏朝不食。以延四方之士。詢於八虞。即八士。時為虞官。咨於二虢。度於閼天。諏於蔡原。蔡原。蔡公。訪於辛甲。尹尹。重之。以周召畢榮。億寧百神。億。安也。而柔和萬民。於是伯夷

通鑑前篇

鬻熊之徒咸至。鬻熊。子名熊。其見文王也。年已九十矣。曰。使予馳犬馬。逐狡兔。則既老矣。使予評政治。之廢置。以預斷得失。則予尚壯不衰也。遂舉之。西伯西距昆夷。北備獫狁。以衛中國。帝乙二十七祀。崩。子辛立。是為紂。紂六祀。西伯初禴於畢。禴。祭名。夏曰禴。紂十有一祀。不道。滋甚。醢九侯。九當。作鬼。脯鄂侯。西伯聞之。竊歎。崇侯虎知之。崇國也。虎名也。以告紂。且曰。西伯昌與其長子發。仲子旦。皆聖人也。三聖合謀。君其慮之。紂乃囚西伯於羑里。將欲殺之。一云。費仲說紂曰。西伯昌賢。百姓說之。諸侯附焉。不可不誅。不誅必為殷禍。紂曰。子言義主何可誅。費仲曰。冠雖穿弊。必戴于頭。履雖五采。必踐之地。今

人物備考

卷一

二四

濂溪

西伯昌人臣也。修義而人向之。卒為天下患。且主而
誅臣。焉有過。紂曰。夫仁義者。上所勸。下所順。受之耳。
仁義。誅之不用。西伯曰。吾惟明天人之道。以順受之耳。
雜說云。紂殺九侯。醢鄂侯。西伯聞之。竊嘆。崇侯虎譖
之曰。西伯欲叛。紂怒。囚之。羑里。西伯嘆曰。父有不慈。
子不可以不孝。君有不明。臣不可以不忠。豈有君而
可叛乎。於是諸侯以西伯能敬上而恤下。遂相率歸
之。此言為得其質。紂十有二祀。西伯在羑里。演易之
八卦。為六十四卦。作鬱厄之辭。困於石。據於蒺藜。乃
申憤以作歌曰。殷道溷溷。浸濁煩兮。朱紫相合。不別

兮。迷亂聲色。信讒言兮。炎炎之虐。使我愆兮。幽閉
牢。穿繇其言兮。遺我四人。憂勤勤兮。韓昌黎拘幽操
云。目揜揜兮。其疑其盲。耳肅肅兮。聽不聞聲。朝不日
出兮。夜不見月與星。有知無知兮。為死為生。嗚呼。臣
罪當誅兮。天王聖明。徐仲車曰。退之琴操。可謂知文
王之心矣。凱風。七子之母。猶不能安其室。而云母氏
聖善。我無令人。重自責也。文王囚於羑里。閔天之徒
患之。求有莘氏美女。驪戎之文馬。有熊九駟。他奇怪
物。因嬖臣費仲而獻之。紂大悅曰。此一物足以釋

西伯矣。一物指有華美女。况其多乎。乃赦西伯。賜之弓矢斧鉞。得專征伐。曰：「諧西伯者，崇侯也。西伯乃獻洛西之地方千里，以請紂去炮烙之刑。」為銅柱以膏塗之，加於炭火之上，使有罪者緣之，名曰炮烙之刑。一云文王侵孟，克營舉鄴，而紂惡之，文王懼，請入雒西之地，赤壤之國，方千里，以請解炮烙之刑。天下大悅。仲尼曰：「仁哉文王，出千里之地，而得天下之心，紂許之，是時紂十有三祀也。明年虞芮質成於周。」虞芮二國爭田，質成於周，入其境，耕者讓畔，行者讓路，入其邑，男女異路，班白者不從，挈入其朝，士讓為大夫，大夫讓為卿，二國之君感而相謂曰：「我等小人，不可以履君子之境，乃相讓以其所爭田為開田而退。孔子曰：「以此觀之，文王之讓，道其不可加焉，不令而從，不教而聽，至矣哉。」

戎得呂尚。又明年伐密須都於程。文王曰：「吾欲用兵，誰可伐？」密須氏疑於我，可先往焉。管叔曰：「不可。其君天下之明君也。伐之不義。」大公望曰：「臣聞之，先王伐枉，不伐順。伐險不伐易。伐過不伐不及。」文王曰：「善。」遂伐密須氏，滅之。作程邑。此與詩皇矣不同。又明年伐耆。即黎國。又明年伐邢。又明年伐崇。作豐邑。徙都之。文王欲伐崇，宣言曰：「余聞崇侯虎蔑侮父兄，不敬長老，聽獄不中，分財不均，百姓力盡，不得衣食，余嘗征之，令毋殺人，毋壞室，毋填井，毋伐樹，毋動六畜，不如令。」

勿備書

卷一

二六

濂溪

人... 卷一... 原板

者死無赦。崇人聞之，請降。西伯嘗寢疾，有疾而寢五日而

地動。東西南北不出四郊。有司請曰：「臣聞地之動，為

人主也。今君王寢疾五日而地動，四面不出國郊，請

移之。西伯曰：「奈何其移之也？」奈猶對也。對曰：「興事動眾以

增國城，其可移之。」西伯曰：「夫天之見妖，以罰有罪。我

必有罪，故天以罰我也。今又興事動眾以增國城，是

重吾罪也，不可。無何無幾疾止，立靈臺，掘地得死人

之骨。西伯曰：「更葬之。」吏曰：「此無主矣。」西伯曰：「有天下

者，天下之主也。有一國者，一國之主也。寡人固其主

自任其然而
疾即止天啟
其業也

耳。又安所求主乎？遂葬之。天下皆曰：「西伯澤及枯骨，

况其人乎？於是歸者三十國。三分天下，奄有其二。祖

伊祖已之後，聞之，懼以告紂。紂曰：「不有天命乎？是何能為？」

西伯以服事殷，終身不貳。二十祀，西伯薨，在位五十

年。年九十七，子發立，伐商而有天下，謚其父西伯為

文王。

商頌玄鳥篇

詩云：邦畿千里，惟民所止。

天命玄鳥，降而生商。宅殷土芒芒，古帝命武湯，正域

勿清考... 卷一... 廉溪

卷一
三
原

彼四方。玄鳥。鳥也。春分玄鳥降。高辛氏之妃有姚氏。女簡狄。祈于郊禱。鳥遺卵。簡狄吞之而生契。其後世遂為有商氏。以有天。下。此亦祭祀宗廟之樂。

方命厥后。奄有九有。商之先后。受命不殆。在武丁孫

子。方命。厥后。四方諸侯。無不受命也。

武丁孫子。武王靡不勝。音升。龍旂十乘。大糝是承。武丁。湯號。而其後世亦以自稱也。龍旂。諸侯所建。交龍之旂也。大糝。黍稷也。承。奉也。言武丁孫子。今襲湯號者。其武無所不勝。於是諸侯無不奉黍稷。以助祭也。

邦畿千里。維民所止。肇域彼四海。

四海來假。音格。來假。祈祈。景員維河。殷受命咸宜。百祿

是何。景山名。商所都也。

小雅綿蠻篇

綿蠻黃鳥止于丘隅

教之誨之。命彼後車。謂之載之。此微賤勞苦。而思有所託者。為鳥言以自

綿蠻黃鳥止于丘隅。豈敢憚行。畏不能趨。飲之食之。

教之誨之。命彼後車。謂之載之。此微賤勞苦。而思有所託者。為鳥言以自

綿蠻黃鳥止于丘隅。豈敢憚行。畏不能趨。飲之食之。

教之誨之。命彼後車。謂之載之。此微賤勞苦。而思有所託者。為鳥言以自

綿蠻黃鳥止于丘隅。豈敢憚行。畏不能趨。飲之食之。

教之誨之。命彼後車。謂之載之。此微賤勞苦。而思有所託者。為鳥言以自

綿蠻黃鳥止于丘隅。豈敢憚行。畏不能趨。飲之食之。

教之誨之。命彼後車。謂之載之。此微賤勞苦。而思有所託者。為鳥言以自

綿蠻黃鳥止于丘隅。豈敢憚行。畏不能趨。飲之食之。

教之誨之。命彼後車。謂之載之。此微賤勞苦。而思有所託者。為鳥言以自

綿蠻黃鳥止于丘隅。豈敢憚行。畏不能趨。飲之食之。

教之誨之。命彼後車。謂之載之。此微賤勞苦。而思有所託者。為鳥言以自

綿蠻黃鳥止于丘隅。豈敢憚行。畏不能趨。飲之食之。

教之誨之。命彼後車。謂之載之。此微賤勞苦。而思有所託者。為鳥言以自

綿蠻黃鳥止于丘隅。豈敢憚行。畏不能趨。飲之食之。

教之誨之。命彼後車。謂之載之。此微賤勞苦。而思有所託者。為鳥言以自

綿蠻黃鳥止于丘隅。豈敢憚行。畏不能趨。飲之食之。

物補考
卷一
六
濂溪

教之誨之命彼後車謂之載之。

大學傳三章

穆穆文王於緝熙敬止

亶亶文王令聞不已陳錫哉周侯文王孫子文王孫子本支百世凡周之士不顯亦世

世之不顯厥猶翼翼思皇多士生此王國王國克生

維周之禎濟濟多士文王以寧此承上章而言

穆穆文王於緝熙敬止假哉天命有商孫子商之孫

子其麗不億上帝既命侯于周服

侯服于周天命靡常殷士膚敏裸音將于京厥作裸

將常服黼皐許音王之蓋臣無念爾祖殷士商孫子之

也將行也酌而送之也黼黼裳也皐也

衛風淇奥篇

衛武公作昭之基

瞻彼淇奥綠竹猗猗音有匪君子如切如磋如琢如磨瑟兮僖兮赫兮喧兮有匪君子終不可諼兮衛人美武

公之德而以綠竹始生之美盛興其學問自修之進益也

瞻彼淇奥綠竹青青音有匪君子充耳琇瑩音會音

弁如星瑟兮僖兮赫兮喧兮有匪君子終不可諼兮

青青堅剛茂盛之貌。充耳瑱也。瑋瑩美石也。天子
玉瑱諸侯以石會縫也。弁皮弁也。以玉飾皮弁之
縫中如星之明也。

瞻彼淇奧綠竹如簧音責有匪君子如金如錫如圭如
璧寬兮綽兮猗重音平較音角兮善戲謔兮不為虐兮音機

也竹之密比似之則盛之至也金錫言其鍛鍊之
精純圭璧言其生質之溫潤重較卿士之車也較
謂車兩傍也

周頌烈文篇

烈文辟音璧公錫茲祉福惠我無疆子孫保之此祭於宗廟而

獻助祭諸侯之樂歌

無封靡于爾邦維王其崇之念茲戎功繼序其皇之

靡汰侈也

無競維人四方其訓之不顯維德百辟其刑之於乎

前王不忘又言莫強于人莫顯于德先王之德所以人不能忘也

大學傳六章

曾子

曾參魯南武城人字子輿少孔子四十六歲性至孝嘗出薪于野客至其家母以手搯臂參即馳至問母曰臂何恙乎母曰今者客至搯臂以呼汝耳家貧食

宗聖謚號
曾參唐高宗
贈少保加太
保配享封廟
伯宗改武城
侯加廟國公
元加宗聖
我朝改宗聖
魯子

力。敝衣躬耕。日不舉火。而歌聲若出金石。魯君聞之。而致邑焉。固辭不受。曰。吾聞受人施者常畏人。與人者常驕人。縱君有賜。不吾驕也。吾豈能勿畏乎。嘗芸瓜。誤折其根。曾皙怒。援杖擊之。曾子仆地。有頃而蘇。感然而起。進曰。大人用力教參。得無疾乎。退鼓瑟而歌。欲父聽其歌而知其平也。孔子聞之。告門人曰。參來勿內也。昔舜事瞽瞍。索使之。未嘗不在側。索而殺之。未嘗可得。而小杖則受。大杖則走。今參委身待暴怒。以陷父不義。夫安得為孝乎。曾子曰。參罪大矣。遂

人物備考

卷一

三

原板

造孔子謝過。謝甚仄。不謹之過。孔子以為能通孝道。故授之業。作孝經十篇。曾子每讀喪禮。泣下沾襟。曰。往而不可還者親也。子欲養而親不待。是故推牛而祭。不如雞豚之逮親存也。初吾為吏。祿不及釜。尚欣欣而喜者。非以為多也。樂其逮親也。既沒之後。吾嘗南遊于楚。得尊官焉。猶北面泣涕者。非為賤也。悲不逮吾親也。孔子以其能通乎道。故授以一貫之傳。曾子出妻。其子元請再娶。曾子曰。高宗以後妻殺孝己。尹吉甫以後妻放伯奇。吾上不及高宗。中不及吉甫。庸能免

人物備考

卷一

三

濂溪

人物備考 卷二 原

於非乎遂終身不娶
一卷終

此下子以其謂直乎直對以一貫之專曾子出妻
楚聘尊官而辭北面而辭背非與類也悲不與吾
非非以爲多也雖其與歸也而或之於吾曾南遊于
樂淵之曲歸於也而吾爲吏林不及金尚於知而喜
何數肯歸也子海養而歸不計其財中而然不吹
業於其德十蘇曾子再趨於野而不可出蘇曰封而不
豈下子據與惟其也下子以爲指面奉真也

新鐫四書七十二朝人物經籍備考目次

卷二

大學下

康誥曰如保赤子 堯

舜 桀

紂 周南桃夭篇

小雅蓼蕭篇 曹風鴉鳴篇

小雅南山有臺篇 小雅節南山篇

康誥曰惟命不於常 楚書曰

人物備考 卷二 康

舅犯曰

秦誓

財用

孟獻子

伐米

陰

新鐫四書七十二朝人物經籍備考卷二

武進薛應旂原輯 景陵鍾 惺合訂

大學傳九章

康誥曰如保赤子

發明謂以敬謹之心精察于聽斷之際下二項正敬明處二有字間或有之

王曰嗚呼封敬明乃罰人有小罪非青乃惟終自作不典式爾有厥罪小乃不可不殺乃有大罪非終乃惟肯災適爾既道極厥辜時乃不可殺王曰嗚乎封有叙時乃大明服惟民其勅懋和若有疾惟民其畢棄咎若保赤子惟民其康乂非汝封刑人殺人無或

善有必不使
傷意康人者
心安意遠于
治之中真如
赤子之淨保
于慈母更無
二點勉強從
人意也

人將備

刑人殺人非汝封又曰劓刑人無或劓刑人王曰外事汝陳時臬司師茲殷罰有倫外事有司之事也臬法也為準限之義言汝于外事但陳列是法使有司又曰要囚服念五六日至于旬時丕蔽要囚要囚獄詞之要者也服念五六月膺而念之旬十日時三月為囚求生道也蔽斷也

堯考

國外紀

帝堯陶唐氏謂之堯者堯猶堯堯也至高之貌舊謂謚法翼善傳聖曰堯非是蓋謚法作於周公堯時無謚也祁姓堯生時其母在三阿之南寄於伊長帝嚳音之子摯之弟也母陳豐氏曰慶都孕十有四

月高辛丁亥歲生堯於丹陵慶都嘗觀三河之首赤

遇而萌之黃雲名曰放勳按放勳書註曰放大大也至

所不至也此史臣贊堯之詞孟子因以為堯號摯立

堯年十三佐摯封植封土受封於陶年十五改國於

唐合而稱之摯以荒淫而廢諸侯尊堯為天子一云

位九年政微弱而唐侯德盛諸侯歸之摯服其義乃

率群臣造唐而致禪唐侯自知有天命遂受焉封摯

于高都於平陽之安邑屬山以火德王色尚白甲辰

五載載歲也言一歲無不覆載也夏乃命羲和羲氏

主曆象授欽若昊天曆象日月星辰曆象所以紀數之

時之官

卷二

七

敬授人時。命羲仲，羲叔，和仲，和叔，分掌四時。方岳
之職。日中星鳥，以殷仲春。厥民析，鳥獸孳尾。申命羲叔，宅南交，平秩南訛，敬致日永。星火，以正仲夏。厥民
 西成，宵中，星虛，以殷仲秋。厥民夷，鳥獸氄毛。申命和叔，宅朔方，曰幽都，平在朔易。日短星昴，以正仲冬。厥民
 民隩，鳥獸氄毛。二載咨羲和，定閏法。旬有六日，以閏月定四
 也。時者，允釐百工，允信釐治。庶績咸熙。庶衆熙熙。七載麒麟
 麟遊於藪澤，十有二載巡狩諸侯。二月，東巡狩。五月，
 狩。五月，南巡狩。八月，西巡狩。十一月，北巡狩。西夏隰城守，好貪求。於是伐
 而亡之。有苗不享，征而克之於丹水之浦。命開邊音伯

長火居商丘。以祀大辰。命母句氏作離聲。句作磬。制
 五絃徽，鼓大。唐之歌。命夔做山川谿谷之音。以歌八
風。西北立。冬曰不周風。正北。冬至曰廣漠風。西北立。
 風。春曰條風。正東。春分曰明庶風。東南。立夏曰清明
 風。正南。夏至曰景風。西南。立秋曰涼風。正西。秋分曰閭闔風。此八風也。 作大章之樂。章
言堯之德也。 作五廟。立五府以享先祖。而祀五帝。五十
 載。帝遊於康衢。路五達。謂之衢。兒童謠曰：徒歌立我
 蒸民。莫匪爾極。不識不知，順帝之則。大雅皇
 時有老人擊壤而歌曰：吾日出而作，日入而息，鑿井
 而飲，耕田而食。帝何力於我哉！六十有一載，洪水懷

物類考

卷二

三

濂溪

襄懷山襄陵懷包其四舉鯀使人治也九載功用

不成七十載殛鯀於羽山放驩堯於崇山子丹朱及

庶子九人皆不肖楊誠齊嘗辨堯無九子謂有之則未必皆如丹朱之不肖豈無一人

而必以付天下之重者許繇字武仲堯致天下而讓焉乃適於穎

不受逃隱許繇字武仲堯致天下而讓焉乃適於穎

不欲聞洗耳於穎水濱時有巢父牽犢欲飲之見繇

洗耳問其故對曰堯欲召我為九州長惡聞其聲是

子故浮游欲聞求其各譽汚吾犢口牽犢上流飲

之群臣咸舉舜舜賢明堯亦聞之於是以二女妻舜

舜娶堯二女據史記世次言為曾祖姑人倫之理必

不若是按韓詩外傳云戰國處士譏舜云兼二女非

達理也使堯舜果同族其不舉以為譏九男事之七

而止譏其兼乎此知太史公之繆矣十有二載納舜於泰山之麓麓山使之主祭命禹平

水土益掌火棄教民播種契為司徒丙辰七十有三

載薦舜於天舜受終於文祖文祖堯始七十有六載

流共工於幽州竄三苗於三危八十載禹告成功詳

具書禹貢篇八十有一載肇十有二州冀兗青徐荆揚豫梁雍幽

并封十有二山封表也封十二山者每州之鎮濟川濟十二

州之封伯禹於有夏封四岳於有呂加賜伯益封契

於商封棄於郟音台於是率群臣刻璧而書東沉洛水

言天命當傳舜之意。今逸書有中候運衡之篇是也。
 堯之為君也。其仁如天。其知如神。就之如日。如日之
 咸依望之如雲。如雲之密布富而不驕。貴而不舒。舒
 就之望之如雲。人咸仰望之富而不驕。貴而不舒。舒
 也。緩黃收純衣。收。冕名。其色黃。故曰緇。形赤色。車白馬。茅茨
 不剪。茨。覆也。以茅覆屋而不剪也。撲桶不斲。斲。題桶題也。
 刺象。大路不畫。天子車。曰大路。越席不綠。越。草名。太羹不和。飯
 於土簋。飲於土鋤。刑。音大。金銀珠玉不飾。錦繡文綺不展。
 奇怪異物不視。玩好之器不寶。淫泆之樂不聽。宮垣
 室屋不堊。音惡。白土也。如色。布衣掩形。鹿裘禦寒衣。

履不敝。盡不更為也。存心於天下。加志於窮民。一民
 饑。曰我饑之也。一民寒。曰我寒之也。一民有罪。曰我
 陷之也。百姓戴之如日月。親之如父母。仁昭而義立。
 德溥而化廣。故不賞而民勸。不罰而民治。景星曜。甘
 露降。朱草生。鳳凰至。嘉禾孽。醴泉湧。焦僥民來貢。沒
 羽。焦。僥。西南蠻之別名。沒。羽。西南蠻之別名。又有草夾階而生。隨月生死。五
 以前日生一葉。以後日落一葉。若月小則一葉。厥而不落。以占日月之數。名曰莫
 莢。音切。癸未一百歲。舜攝位之二十八載也。帝乃殂落。
 年一百十七歲。百姓如喪考妣。四海過密八音。葬于

起與堯為
仁君一日十
瑞宮中為化
為承鳳皇止
庭神龍見乎
宮治曆草生
蟠宮禽五色
鳥化白神米
生蓮蓬蕭生
厨景星耀于
天甘露降于
地是為一瑞

濟陰之城陽西北是為穀林路史堯陶唐氏姬姓高
辛氏之第二子也母陳豐氏曰慶都嘗觀三河之首
赤帝頸圖奄然風雨慶都遇而萌之黃雲覆之十有
四月而生于丹陵曰堯是曰放勳身侔十尺豐下兌
上龍顏日角八采三眸鳥庭荷勝琦表射出握嘉履
望靈息洞通聰明密微其言不式其德不回仁如天
智如神明如日而晦如陰好謀能深和而不怒憂而
畏禍快而愉年有十三佐摯封植受封於陶明人察
物昭義崇仁禁詐偽正法度不廢窮民不教亡告苦

死者而哀婦人底德靡解百姓和欣於是改國于唐
勤勞不居儉而用禮不貴時巧不視文繡温飯煖羹
不饒不易襦衣袿履不敝不更御蠅梓土枕夏葛衣
而冬鹿裘枯柱采椽為人愛費不以鵲居易九市不
以私故留耕時水處者漁谷居者牧陵阪耕畬泉澤
織罔是以地宜其事事宜其械械宜其材故人得以
所有易所亡所工易所拙而上下達矣欽明文思內
行謹飭篤孝慈仁敬使人知子弟之道仁恩被于蒼
生德化孚于四海故亡膠漆之約於當世而道行年

充園策云堯
時三年耕餘
一年之食謂
之升平九年
耕餘三年食
謂之登平二
十年耕餘七
年食謂之大
業

墨子堯教化
及雕題蜀越
撫交趾身涉
流沙地封獨
山西見王母
南及大夏渠
與北中出都
及徇國與人
身而島面及
生後

人亦備夫

十有七。謾以侯伯恢踐帝。曰陶唐氏。都於平陶安邑。
以火紀德。謂赤帝。色尚白。黃收純衣。彤車白馬。乃立
三公六卿百揆。暨百執事。富而亡驕。貴而不舒。居於
明堂。斥題不斫。土階不厭。茅茨不葺。泊如也。重先
務。急親賢。明駿德。以親九族。九族既穆。乃辨章于百
姓。賢愚昭明。而協和於萬邦。黎民於變時雖。經作可
施政制。因時立法。不激不淒。取人以狀。明非見有。於
人翹翹。惟以天下為憂。務求賢聖。爰得稷契。夷皋。朱
浙伯譽。尚讓于稷契暨皋陶伯夷。作秩宗。讓于支浙暨伯與。群龍輔德。是以教

化大行。天下洽和。民安仁而樂義。乃更制五服。甸侯
荒也。均五等。五國即五相維。設四岳八伯。以典諸侯。均
井邑。制都鄙。而臨民以十二。十二載。一巡狩。春省耕。秋省斂。
宣聲教。以同俗。振彫瘵。聽民聲。觀四履。之所以化其
上。入其疆。土地辟。岐旁趨。養老尊賢。駿傑在位。則有
慶。反是則絀。三載小攷。正職。九載大攷。有功。五載而
一述職。其所典職。以脩則賞。不脩則罰。因地之生美
為貢賦。故民出而不憾。因人之好惡。為政教。故令不
犯。三歲貢士。而賓興之。一適謂之好德。再適謂之賢

人物考

卷二

七

廣溪

賢三適有功於是始命有不正則以絀一少絀以爵
再少絀地三絀而爵地畢一不適為過再為教三為
恆其絀如之附下而罔上者刑豫聞國政而亡益于
民者斥在上位而不能進賢者逐比年而秩官之亡
文者次絀之而代以賓進之賢者進使亡繇得其所
利退使亡繇避其所害故安其位而樂其群德行有
所是道義有所明故士莫敢詭俗異禮以自見於國
莫敢布惠緩行以修上下之交而和親於民故臣莫
敢阿君嬖上躡等踰爵漁利蘇功而駿艾在官矣○

原板

洪才九年正
天之所以開
聖明

在位六十二載沈蒙洛水演天方害龍門未闢呂梁
未發后土冒沒而填星逆於水府帝憂中國之不康
詔曰洛水滔天下民其咨孰能使變將任焉四岳稱
髀帝知髀之圯族方命而民患弗可弼又自中國至
條方莫薦於是試髀俾司空欽哉九載功用不成而
止帝知歷運之遭七年衰志閔復覘嗣子之囂訟於
是吳遁之願軫焉洊之窳窳與鑿齒九嬰十日大風
封豕長它蛇之害民罔攸止於是澤兵稱旅屠長它
於洞庭射十日繳大風於青丘殺窳窳禽封豕於桑

一物備考

卷二

濂溪

林乃殊鑿齒

狹獠類。食人。鑿齒長五尺。似鑿。食人。九嬰鳥九首。食人。大風。風伯。壞人屋宇。

長它。巴蛇也。

於疇華之野。戮九嬰於凶水之上。而後萬生

復生。四方同塵。夷夏廣陘。險易遠近。始復道里。於是

為世載七十矣。○尚書中候云。帝堯即政之十載。景

星出翼。鳳皇止庭。朱草生郊。嘉禾孳連。甘露潤液。醴

泉出山。修壇河洛。仲月辛日。昧明禮備。榮光起河。休

氣四塞。白雲起。回風搖。龍馬卸甲。赤文綠地。臨壇止

霽。吐甲圖而帶走。○春秋演孔圖云。堯坐中舟。與太

尉舜臨鳳皇。負圓授堯。圖以赤玉為匣。長三尺。廣八

寸。黃金檢。白玉繩。封兩端。其章曰。天赤帝符璽五字。

又赤龍負圖以出河。見堯與太尉舜等百二十臣集

發箴之大麓。○孝經授神契云。堯火精鳥庭。荷勝八

眉。

舜

帝舜有虞氏

謂之舜者。舜猶僻僻也。言能推信堯道。而行之也。舊謂謚法。仁聖盛明曰舜。非

是。其先國於虞。始為虞氏。系出虞幕。是生喬牛。喬牛

生瞽瞍。初家於冀。瞽瞍娶握登。唐堯壬午歲。生舜於

姚墟。

握登見大虹。意感而生舜于姚墟。故姓姚。目重瞳。故曰重華。字都君。握登蚤喪。瞽

本為治之

賤再娶而生象象得親乃成惡舜御待也以不道舜於
是往於田泣旻天號父母負罪引慝大杖避小杖受
事親拊弟日以篤惟恐不獲於象動心忍性死生不
入於心年二十孝友聞於四海舜是時口不設言手
不指麾執玄德而化馳若神歷陽之耕者侵畔乃往
耕焉田父推畔雷澤之漁者爭坻坻水中乃往漁焉
鮫人吳音長則山海經雷澤有雷神龍首人頰鼓其腹
鉄按以挂于壁有頃東夷之陶者苦窳音餘乃陶於
雷雨自化為龍而去
河濱期年而器以利牧羊於潢陽而獲玉曆於河巖

所至嚮合父母不愛弟妹不親列女傳云舜之二嫂謂
護之此云不雖耕稼陶漁勞悴困苦無入而不自適
也遷於負夏販於頓丘倩於傅虛頓丘買貴于是販
于是倩于傳虛孔子曰耕漁陶販非舜編蒲織席結
事也而往為之以救敗也舜其仁也乎編蒲織席結
罟每徙而民歸之舜一徙成邑再徙至鄧之墟小大
悅之秀士胥也從雄陶方回續牙伯陽東不訾秦不
字靈甫七人實未詳不辟也召也而至周旋歷濩之間為之七
友迨既禪七人者始逃之初堯在位七十載矣見丹
朱不肖不足以嗣天下乃求賢吳位舜之潛德堯實

人物考

卷二

廉溪

廉溪

尚書堯典

試哉即歷試諸艱事有鯨
愬起事屬非嘗必令朝野
臣民習見至聖事業一旦
曆教相及方能心服非試
之以二女也

九子事舜
舜德廣大亦
眼勤靡懈不
惟恨其親之
心而且效臣
事之礼如此

知之於是疇咨於衆詢四岳明明揚側陋四岳咸薦
舜謂父頑母嚚音銀象傲克諧以孝烝烝乂不格姦諧
進以善自治而不至於大為姦惡也堯曰我其試哉
乃徵之得諸服澤之陽問曰我欲致天下致致其為
之奈何對曰執一無失行微無怠忠信無倦而天下
自來問以奚事曰事天問以奚任曰任地又問奚務
曰務人曰人之情奈何曰妻子具而孝衰於親嗜欲
得而信衰於友人之情也乎若夫從道則吉反道則
凶猶影響也帝館之於二室語禮樂詳而不悖語政

治簡而易行論道廣大而無窮論天下事貫眈兩條
達咸協於帝而可底績於是錫之絺衣雅琴命之姚
姓配以娥皇女英以觀其內暮暇與象謀使舜塗廩
俊井舜皆謀于二女得
不死及替跛速舜飲酒醉將殺之舜告二女二女乃
與藥浴池往遂終日飲酒不醉後死于江湘之間謂
之湘九子事之以觀其外百官牛羊倉廩備以事之
於畎畝之中二女純篤盡道九子服勤靡懈帝將胥
天下而遷之乃歷試諸艱使宅百揆百揆揆度
庶政之官靡不
時叙以時而叙
無廢事也屬之徽典徽美典
常也無或不從賓於四
門四門四方之門古者以賓禮親邦國
諸侯各以方至而使主焉故曰賓諸侯穆穆和

人物傳考

卷二

十一

瀟溪

烈風雷雨納於大麓而弗能迷也。洪水為害堯使舜入山林相視原隰雷雨大至衆懼堯之七十三載丙辰薦舜於天舜受失常而舜不迷。終於文祖遂攝位是時高陽氏有才子八人天下謂之八愷。愷和也言有此德之和也高辛氏有才子八人天下謂之八元。元善也言有此德之善也世濟其美堯未及舉舜於是舉八愷使主后土舉八元使布五教於四方攝位二十八載歲在癸未堯崩舜避堯子丹朱於南河之南天下之朝覲謳歌訟獄者不之丹朱而之舜。歷甲申乙酉二歲然後之中國踐天子之位都於蒲阪丙戌

此二十有一人惟時亮天

元載月正元日。元正月也。朔日也。格於文祖。將即位故復至文祖廟告以土承火色尚赤改正易服立七廟祀中雷社用土封春灼夏禴秋嘗冬蒸五等建官親親任賢建弟象於有鼻。今道州封皇帝之孫子十有九人為侯伯。詢四岳命九官。命禹為司空棄為后稷契為司徒皋陶為龍作納言咨十二牧。牧養民之官十二三載考績五載音韶樂成六載巡狩觀風兵衛少而誅求寡國用不匱七載作大唐之歌以美堯禪九載三考黜陟幽明。幽者黜之。庶績成熙分北三苗而析三苗丁巳

勿備考
卷二
三
濂溪

文德不止不用威武聖人遇行有不得處自反誠切莫見有動心惡性增益不

三十有二載命禹總師三十有五載咨禹征有苗三旬苗民逆命帝乃誕敷文德舞干羽於兩階七旬有苗格舜之為君也上循堯道下任眾賢師紀后詳未拜蒲衣莊子齧缺嘗問于王倪四問而不知齧缺因躍乎有虞氏不及泰氏有虞氏其猶載仁親善卷學於以要人亦得人矣而未始出于非人仁親善卷學於務成軛漢藝文志有務成子十篇昭其名也昭之教也避天下之順從天下之逆從天下之順其名下不足取天下不足失也昭即務成軛立誹謗木誹謗木華木大下交備施馬或謂之表木以表設旌諫鼓以廣直王者之納諫亦以表識衢路也設旌諫鼓以廣直言之路訪不逮於總章曰忠章即明蒙也表曰衢室舜曰忠章有不逮亦訪之如宋

通鑑前編

仁宗之天養國老於上庠夫致仕者養庶老於下庠庶老也庶老士及庶人在官致仕者夏后氏養國老于東序養庶老于西序殷人養國老于右學養庶老于左學周人養國老于東膠養憲其行止也憲法貴德庶老于虞庠虞庠在國之西郊尚齒藏金嶠巖之山捐珠五湖之淵俾下服度於以杜淫邪而絕覲媚作米廩以藏帝籍有虞氏之立兩庠即上庠下庠以教國士恭己南面無為而治彈五絃之琴歌南風之詩曰南風之薰兮可以解吾民之愠兮南風之時兮可以阜吾民之財兮是時地方五千里至於荒服南撫交趾北發肅慎北發北方國名東長趾下當有北字東長

通鑑前編

卷二

廉溪

鳥夷

長夷鳥夷二國名鳥一作鳥

西渠折枝

渠與折枝二國名出撫字直貫此四句

入日月

凡日月所出入

罔不俾率四海承風暢於異類鳳翔

麟感鳥獸被德四十有八載南巡狩崩於鳴條三十

登庸二十在位五十載而崩

路史云天見妖孽黃星靡鋒帝乃死壽百

一十二歲葬於蒼梧山九疑之陽是為零陵

今永州府

封舜後於虞而容之及周武王克商封舜後胡公於

陳賜姓媯

音氏

○尚書中候考河命云若稽古帝舜

曰重華欽翼皇象舜曰朕惟不父莫克享著百獸率

鳳司晨舜至于下稷榮光休至黃龍乃貝卷于館圖出

水壇畔赤文綠錯○公孫尼子云舜牧羊于潢陽堯

舉之以為天子○尸子云虞舜灰於常羊什器于壽

丘就時負夏未嘗暫息頓丘買貴於是販于頓丘傳

虛賣賤於是債於傳虛以均救之○類林云叟填井

後兩目方瞽又云舜耕歷山歲不熟舜糶其母語糶

每還錢與米問之子也因相抱泣拭其父目尋自明

堯聞而妻之貞源亦云糶于平陽市父認之乃舐其

目目以光明○孝經鈞命決云舜即位巡省中河錄

圖受文地在洛水傍方堯禪舜沉書日稷而赤光起

蒸人。不格。是也。

路史云。帝舜有虞氏姚姓。瞽子。舜長九尺。龍顏日衡。方庭甚口。面頤亡髦。懷珠握寶。形卷婁。色鬢露。目童重曜。故曰舜。而原曰重華。濬哲文明。溫恭通智。敏敦好學。而止至善。寅畏天命。而尤長於天文。初家于冀。夙喪其母。蒙淡緼棘。哀綿五至。猶未歎者。喪期之有數。蓋有是顯。瞽纂御而生象。舜事親。拊弟。日以篤。惟恐不獲於象。以貽父母戚。道而不徑。舟而不游。當其為田也。旱則為耕者鑿隕。儉則為畝者表虎。與四海俱利。是故光如日月。而天下歸之。父母之不我愛。弟

妹之不我親。故雖躬稼陶斂。惡悴勞苦。燭息火食。口腹不獲於美厚。而諧和正救。烝烝乂亡入而不自適。一徙成邑。再徙成都。三徙成國。至鄧之虛。而百千萬家。南面而與之言。席龍埴而蔭翳。桑蔭不移。而堯志得。妻有桑田。身有南畝。瞽順象從而不至於茲。帝即致以昭華之玉。曾而尚之。三載程功。亡乖疇策。民安其為。帝覆其聖。謂以天下授舜。則天下幸。而朱福授朱。則天下病。而朱利曰。予終不以天下之病利一人。乃放朱于丹。而卒禮禪舜。舜讓于德弗嗣。正月上日

人水作

卷二

七

原板

受終于天府。乃命羲和。欽昊天。授人時。覲四方。群后。問百年。尊老成人而見之。定八伯之樂。元祀代泰山。貢陽。伯儀。伯之樂。中祀大交。霍山。貢夏。伯羲。伯之樂。秋祀。柳穀。華山。貢秋。伯和。伯之樂。幽都。弘山。祀。弘山恒山貢冬。伯和。伯之樂。并論八音。四會。貢正聲。以聽天下之治。而民亡有不惠。而從命。大師陳詩。以觀民風。命市納。賈以稽民之好惡。命典禮。協時月。正日。同律度量衡。禮樂制度。衣服正之。山川神祇。有不舉者。為不敬。不敬者。君削以地。宗廟有不順者。為不孝。不孝者。君絀。

賢底豫而
天下之為父
子者定

以爵。變禮易樂者。為不從。不從者。君流。革制度。衣服者。為叛。叛者。君討。歸次外三日。遂假于禰祖。卒斂幣。王藏諸兩階之間。然後命徧告。入聽朝。及安邑。以上承火。改正易服。立廟祭典。日三朝于瞽所。夔夔。齊。桌。惟盡子道。順其性。而得其情。親親任賢。建弟象於。有畀。庫三載一攷績。三攷絀陟。幽明。於是俊人在官。群后德異。巡州觀風。習其情性。因論十有二俗。定以六律五聲八音七始。著其素。以為韶。退其利。欲返其仁義。九奏具成。而鳥獸之聲。猶悉闕于律。惟五祀定。

一勿南

卷二

七

濂溪

鍾石論人聲鳥獸咸變乃更著四時推律呂均十有二變而道弘廣於是勃然興韶於大麓之野執事還歸二年謗然乃作大唐之歌以聲帝美聲成而絃鳳至故其樂曰舟張辟離鷓鷯相從八風回回鳳皇啣喙因農而擾兵因獮而蒐練寓之牧伯故干戈不試而人皆體之兵衛少而誅求寡故國不匱嘗譟于衆曰吾盡吾敬以事吾上而見者謂忠焉吾盡吾敬以接吾敵而見者謂信焉吾盡吾敬以致吾下而見者謂仁焉吾是以見愛親于天下之民而歸樂于天下

之士又貴信于天下之君則取之以敬也所以明道而諭教惟以忠敬而時鄉是以未施敬于民而敬掘地財取水利股肱不居故祠于田曰荷此長耜耕彼南畝四海俱有志利民也於是得乘馬之數乃割高陸保太衍松群害以作策馬貨當金貨一金二金二四金二五金策乘馬幣又率百畝之夫而典之策率二十七日以爲子之春事以資子之幣分國穀之重而足國用春秋子穀大登國穀之重去分謂農夫曰幣之在子者以爲穀而稟之州里國穀之分在上國



此
子文法祖

穀之重再十倍。謂遠近之縣里邑百官。皆當奉器械。備曰國亡幣。以穀準幣。國穀之擴。一切什九。還穀而應穀。國器皆資。而亡藉于民。不窮其力。而巧于使之。故民死而不怨。飲糗茹菹。鑄盆亡臙。而下不以餘獲罪。瓦匭土型。而工不以巧獲罪。麤衣墊領。而女不以侈獲罪。法下易繇。事寡易功。而民不以政獲罪。道大多容。大德衆下。寡為而用物常壯。故天下之賢。皆躍而歸之。丈夫女子。振振殷殷。亡不戴說。蓋天德出寧。日月昭而四時行。積正合仁。繇仁義行。是故好生之

六辟克已傷
功夫宜有
方明德

德洽于民心。在位猶北極。題期立象。臨下以簡。御衆以寬。損益盡繇堯道。立義治律。而萬物以皆作。分均天財。而萬物以熙熙。游于巖廊之上。左禹右皋。不事詔而萬物成。被袵衣。鼓五絃。詠南風之詩。不降席而天下治。功格亡臬。恩被動植。山川鬼神莫不成。若於時。八風循通。卿雲叢叢。俊艾百工。胥蘇而歌曰。慶雲爛兮。糾縵縵兮。日月光華。旦復旦兮。八伯拜手而進曰。明明上天。爛然星暉。日月光華。宏于一人。帝乃擁旋持衡。沉首而笑曰。時乎。日月有恒。星辰有行。四時

卷二
濂溪

順經萬物允成。襲乎鼓之。軒乎舞之。英華欲遂。褰裳去之。百工又歌而終焉。維時洪祀六沴。用咎于下。乃令大禹步于上帝而共禦之。帝用不差。神則不怒。五福乃降。用章于下。禹乃共辟厭厥德。用帝休令。爰用五事。建五極而共禦之。

桀

桀名履癸。帝癸之子。孔甲之曾孫也。自孔甲以來。諸侯多叛。癸在位十九歲崩。子癸踐位。癸卯改元。是為桀。尤為無道。暴戾貪虐。滅德作威。數虐於萬方百姓。

天下患之。有趙梁者。教為無道。勸以貪狼。三十有三歲。伐蒙山。有施氏。有施氏進女妹喜。桀嬖之。所言皆從。自是殫百姓之財。為頃宮。桀作宮。備一瑤臺瓊室。玉門。日與妹喜行淫縱樂。政事怠廢。左師名曹觸龍。讒嫉才智。孔子對哀公曰。昔夏桀荒淫于樂。沉酣誅桀。左師觸龍身死。四肢不。諸侯危其位。大夫隱其同壇而居。此忘其身者也。道舉事戾於天。發令逆於時。淮南子曰。夏桀之時。王不修。棄捐五帝之恩。刑推蹶。三王之法。籍是以至德。滅而不揚。帝道揜而不興。舉事戾蒼天。發號逆四時。春秋縮其和。天地除其德。人君處位而不安。大夫隱道而不言。羣臣準上意而懷當。流骨肉而自容。邪人

人物備考 卷二 六 原板

參耦比周而陰謀。植社稿而燬裂。容臺振而掩覆。犬
群噪而入淵。豕御蓐而席澳。美人擘手。墨面而不容。
曼聲吞炭。內瞿山地裂及泉。發徒鑿之。通於河。諫者
閉而不歌。曰。洩天氣。發地藏。天子失道。後必有敗。殺之。耆老或
諫。又殺之。關龍逢諫曰。人君謙恭敬信。節用愛人。故
天下安。而社稷宗廟固。今君用財若無窮。殺人若不
勝。民惟恐君之後亡矣。人心已去。天命不佑。蓋少俊
改也。乎。桀曰。吾之有天下。猶天之有日也。日亡吾乃
亡矣。遂囚逢而殺之。一云桀為酒池。可以運船。糟壘
足。以望十里。一鼓而牛飲者三
千人。關龍逢諫曰。古之人君。身行禮義。愛民節財。故
國安。而身壽。今君用財若無窮。殺人恐弗勝。君若弗

史文

華。天殃必降。而誅必至。桀囚而殺之。殷湯聞之。歎息使人哭之。桀怒。囚
湯於夏臺。已而得釋。桀大會諸侯於有仍氏。有緡氏
見桀汰侈。引師先歸。桀帥諸侯攻克之。愈自矜肆。諸
侯韋氏。顧氏。昆吾氏。黨桀之惡。恣行亂政。鑿也。為夜
宮。男女雜處。三旬不朝。太史終古執其圖法。泣諫不
聽。終古出奔商。桀之世。星隕地震。伊洛竭。泰山崩。災
異迭見。殷湯修德。諸侯畏服。桀起九夷之師。不至。伊
尹佐湯伐桀。桀曰。吾悔不遂殺湯於夏臺。及戰不勝。
走鳴條。入於三塗之國。湯又從而伐之。放於南巢。巢

通鑑前篇

通鑑公篇

人物備考

卷二

六

原板


伯夏諸侯。湯於南巢，巢人納之。湯感其忠，仍封為伯。弗受。終商世，義不臣商。桀子淳維，妻其衆妾，遁於北野。隨畜轉徙，號葷育。逮周曰玃狁。漢曰匈奴。傳曰：其先伯禹之後是也。桀在位五十有二年，死於亭山。湯封夏後，至周封於杞也。夏從禹至桀，歷十七君，十四世，共四百三十二年。路史云：癸不務德，好貨便佞，慢神虐民，侈役陳蔽，媿逐，疋訾，儒兒，恩信不申於國，始遷于垂，乃大淫昏，洪舒于民，讒貸處穀，而幻色是與。盛軍伍，立兩億，自謂天父，恃其多力，用其虎視，不克。

靈承于旅，天下之民，悴崒焉。以羊莘侯，嗟為相。侯，韓子

作侯，侈羊莘，呂春秋一作尹諧，斟觀岐，踵戎，曹觸龍

于辛，二人恃威，陵轢諸侯。

介之，闢道其志，乃胥為虐于民。至于百為，大不克開。於是犬戎侵岐，居之。申命任威，以原侯夸師伐有唐。復伐蒙山，得妹喜焉。妹喜蠱惑，一笑百媚，而色厲少融，好姣，反而男行，并服劍帶，而喜繒裂，桀溺狗之。每加諸已，遠味四海，駕人車以奉之。廣優孫戲，竒偉作東哥，而操北里，大合桑林，驕溢妄行。於是群臣相持而唱於庭，靡靡之音，人以龜其必亡。侈宮室，崇園囿。



傾宮旋臺汗池士察。帶狐批後，不足以攄志市。縱號
默以覲人之奔駭。廣池漾酒，一鼓而鞫飯者三千。覘
其醉溺且多，發帛以希妹喜之一暉。復會于仍，有緝
叛之。克有緝，又命扁伐岷山。莊王以二女御焉。愛而
無子，乃刻之荇華，而棄元妃于洛。為長夜之宮，男女
雜處，十旬不出政。一昔而風沙邕之。方冬穿陵，殿以
就之。酒渾而戮，刑殺彌厚。滅皇圖，亂歷紀。玉瑞不行，
朔不告。於是惟天不畀純，祆孛出。枉矢射，地震天血。
迅雷黃霧，夏霜而冬露。大雨水里社拆，不肯感言于

民。誅龍逢，殺耆艾。費昌徙族以歸商。太史終古負圖
哭而去。桀俞自賢，矯誣上天。簡賢附勢，率遏眾力。商
契之後子履者，二十有七征，而德施于諸侯。歸之者
三十有六國。後率六州攸徂之民，以伐桀。放之南巢。
○太公金匱云：桀怒湯，以諛臣趙梁計，召而囚之。均
臺寘之種泉，嫌於死。湯乃行賂，桀遂釋之。而賞之。贊
茅。○夏桀之時，有岑山之水。桀常以十月發民鑿山
穿林，通於河。民諫曰：孟冬鑿山穿陵，是泄天氣，發地
之藏。天子失道，後必敗。桀殺之。期年岑山崩為大澤。

湯率諸侯伐之。○符子桀觀炮烙於瑤臺。謂龍逢曰。樂乎。龍逢曰。樂。桀曰。觀刑曰樂。何無惻怛之心焉。逢曰。天下苦之。而君為樂。臣為君股肱。孰有心悅而股肱不悅乎。桀曰。聽子諫。諫得我功之。不能。我刑之。龍逢曰。臣觀君冕。非冕也。冕危石也。臣觀君履也。非履也。履春冰也。未有冠危石而不壓。踏春冰而不陷。桀嘆曰。子知我之亡。而不自知亡。子就炮烙之刑。吾觀子亡。子不知我亡。龍逢行歌曰。造化勞我以生。休我以炮烙。乃赴火死。

紂

呂氏春秋常
格篇

紂名辛。帝乙少子也。紂之同母三人。其長曰微子啓。其次曰中衍。其次曰受。又曰辛。乃紂也。於三子中。紂為少子。紂母之生微子啓。與中衍也。尚為妾。已而帝乙立為妻。而後生紂。帝乙欲置微子啓以為太子。太史據法而爭之曰。有妻之子。而不可置妾之子。紂是以得為後。帝乙二十有七祀。歲丙午崩。紂辛立。明年丁未。為紂元祀。紂資辯捷疾。聞見甚敏。材力過人。手格猛獸。格殺也。知足以拒諫。言足以飾非。矜已誇人。謂

史記

勿備考

卷三

三

濂溪

天下皆出已之下。播棄黎老，昵比罪人。平居弗祀，上帝神祇宗廟，恃其強大，好用兵，性汰侈，好酒色，始為象箸，箕子嘆曰：今為象箸，必為玉杯，玉杯象箸，必將食熊蹯、豹胎。也。蹯，蹄也。他又將稱是，王求所欲，天下殆哉。八祀，伐有蘇，獲妲己。妲己，姓，嬖之。惟妲己之言是從，於是師涓作新聲，為北里之舞，靡靡之樂，厚賦稅，以實塵臺之財，盈鉅橋之粟，益收狗馬奇物，充仞宮室，廣沙丘苑臺，多取野獸飛鳥，置其中，大聚樂戲於沙丘，為酒池肉林，吏男女裸以相逐，縱長夜之飲。紂為長夜之飲。

俱以失日，問其左右，盡不知也。乃使問箕子。箕子謂其徒曰：為天下主，而一國皆失日，天下其危矣。一國皆不知，而我獨知，吾其危矣。辭以醉而不知。吾其百姓怨望，諸侯多叛，乃重刑辟，作炮烙之法，剗剔孕婦，斮朝涉之脛。淮南子作析才，士之脛。十有一祀，以西伯昌、九侯、鄂侯為三公。九侯有美女，入之紂，九侯女不喜淫，紂怒殺之，而醢九侯。鄂侯強爭力辯，并脯鄂侯。西伯昌聞之，竊歎，遂囚西伯於羑里。西伯之長子曰伯邑考，為紂御，紂烹以為羹，賜西伯。紂曰：聖人當不食其子羹，誰謂西伯聖者？食其子羹，尚不知也。紂棄耆老，貴戚大臣，商容、微子、微仲、箕

世紀

通鑑前編

人物備考

卷二

二

濂溪

子比干膠鬲之徒而用惡來惡來飛廉之子也善讒
 毀諸侯諸侯以此益疏祖伊告紂曰天既訖我殷命
 假人元龜罔敢知吉孔安國曰至人以人事觀殷大
 龜以神聖考之皆無知吉者
 非先王不相我後人維王淫虐用自絕今我民罔不
 欲喪王其奈何紂曰我生不有命在天乎祖伊反曰
 紂不可諫矣西伯既卒子發立諸侯叛殷歸周者八
 百紂愈淫亂不止有梅伯者性忠直數諫爭紂怒而
 殺之菹醢其身一云梅伯悅鬼侯之女令紂取之紂
 聽姐已之譖以為不好故醢梅伯脯
 鬼侯以其脯燕諸侯于朝有雷開者性阿佞進諛言紂賜之金

而封之賞以夏田比干曰為人臣者不得不以死爭
 乃直言諫紂紂怒曰吾聞聖人之心有七竅剖視其
 心箕子懼乃佯狂為奴紂又囚之微子恐絕殷祀遂
 持其祭器樂器去之時戊寅三十有二祀也明年已
 卯武王伐紂紂衣寶玉自焚死其事在武王紀中武
 王代殷為天子封紂後為諸侯屬周周武王崩武庚
 作亂成王命周公誅之而立微子於宋以續殷後
 薛應旂曰玄王啓商成湯代夏迄於武丁賢聖之
 君六七作天下戴商厥惟舊矣最後帝乙欲立微

人地備其 卷二 二五 原振

子啓為太子。太史據法而爭。立紂亡殷。此雖天命有在。而審於經權。賢否之間者。不無遺恨矣。故昔人曰。用法若此。不若無法。出呂氏春秋當務篇旨哉。○尚書中候云。殷紂時。十日雨土於亳。紂卒國滅。○末年雨石。皆大如甕。○辛甲事紂。七十五諫。不聽而去。○紂為無道。左強在側。

周南桃夭篇

桃之夭夭。灼灼其華。之子于歸。宜其室家。文王之化。男女以正。婚姻以時。故詩人因所見以起興。而嘆其女子之賢。知其必有以宜其室家也。

桃之夭夭。有蕢其實。之子于歸。宜其家室。文音
桃之夭夭。其葉蓁蓁。之子于歸。宜其家人。音

小雅蓼蕭篇

蓼彼蕭斯。零露漙漙。既見君子。我心寫兮。燕笑語兮。是以有譽處兮。上聲
蓼長大貌。蕭蒿也。君子指諸侯也。寫輸寫也。○諸侯朝于天子。天子與之燕。以示慈惠。

蓼彼蕭斯。零露瀼瀼。既見君子。為龍為光。其德不爽。壽考不忘。

蓼彼蕭斯。零露泥泥。既見君子。孔燕豈弟。宜兄宜弟。

初補考 卷二 二六 廉溪

令德壽豈諸侯總世而立多疑忌其兄弟如晉詛無畜群公子秦鍼惧選之類故以宜允宜弟之美之

蓼彼蕭斯零露濃濃既見君子脩車冲冲和鸞雛雛萬福攸同濃厚貌脩轡也羊轡首也冲垂貌和馬飾也

曹風鴉鳩篇

鴉鳩在桑其子七兮淑人君子其儀一兮其儀一兮心如結兮鴉鳩結鞠也亦名戴勝今之布穀也餉子物之固結而不上下暮從下上平均如一也心如結如專一故言鴉鳩在桑則其子七矣淑人君子則其

儀一矣其儀一則心如結矣

鴉鳩在桑其子在梅淑人君子其帶伊絲其帶伊絲其弁伊騏

鴉鳩在桑其子在棘淑人君子其儀不忒其儀不忒正是四國

鴉鳩在桑其子在榛淑人君子正是國人胡不萬年

大學傳十章

小雅南山有臺篇

南山有臺北山有萊樂只君子邦家之基樂只君子

萬壽無期臺夫須即莎草也萊草名葉香可食者也樂只君子

以道達主人尊賓之意美其德而祝其壽也

南山有桑北山有楊樂只君子邦家之光樂只君子

萬壽無疆

南山有杞北山有李樂只君子民之父母樂只君子

德音不已

南山有栲北山有杻紐音樂只君子遐不作壽樂只若

子德音是茂

南山有枸矩音北山有棟庚音樂只君子遐不作黃耆樂只

君子保艾爾後

小雅節南山之篇

節截音彼南山維石巖巖赫赫師尹民具爾瞻憂心如

惓談音不敢戲談國既卒斬何用不監此詩家父所作

致乱

節彼南山有實其猗赫赫師尹不平謂何天方薦瘥

喪亂弘多民言無嘉憯莫懲嗟為政者不平其心則

相絕者矣是以神怒而重之以喪亂人怨而謗

謹其上然尹氏曾不懲

求所以自改也

瀛溪

尹氏大師維周之氏底音秉國之均四方是維天子是

毘音俾民不迷不弔昊天不宜空我師

弗躬弗親庶民弗信弗問弗仕勿罔君子式夷式已

無小人殆亞瑣瑣姻音亞則無音無音武音仕音瑣音姻音兩壻相謂曰

亞厚也

昊天不慵降此鞠訕昊天不惠降此大戾君子如屆

俾民心闕音君子如夷惡怒是違

不弔昊天亂靡有定式月斯生俾民不寧憂心如醒

誰秉國成不自為政卒勞百姓酒病曰醒

駕彼四牡四牡項領我瞻四方蹙蹙音靡所騁項大

蹙縮小之貌

方茂爾惡相爾矛矣既夷既懌如相醻矣

殷之未喪師四句

無念爾祖聿修厥德永言配命自求多福殷之未喪

師克配上帝宜鑒于殷駿命不易

命之不易無過爾躬宣昭義問有虞殷自天上天之

載無聲無臭儀刑文王萬邦作孚

昊天不平我王不寧不懲其心覆怨其正

仁則崇章愛人不親章引此平天下章引此衣錦章引此

家父作誦以究王訥式訛爾心以畜萬邦家父自言

以窮究王政昏亂之所繇冀其改心易慮以畜養萬邦也

康誥曰惟命不于常

王曰嗚呼封敬哉無作怨勿用非謀非藝蔽時忱不

則敏德用康乃心顧乃德遠乃猷裕乃以民寧不不

瑕殄此欲其不用王曰嗚呼肆汝小子封惟命不于

常汝念哉無我殄享明乃服命高乃聽用康乂民高

聽不可卑忽我言王若曰往哉封勿替敬典聽朕告

汝乃以殷民世享

此于天下章引

楚書曰楚國無以為寶唯善以為寶

國語王孫圉聘于晉定公饗之趙簡子鳴玉以相鳴

佩王以相禮問于王孫圉曰楚之白珩猶在乎對曰然簡

子曰其為寶也幾何矣曰未嘗為寶楚之所寶者曰

觀射父能作訓辭以行事於諸侯使無以寡君為口

實又有左史倚相能通訓典以叙百物以朝夕獻善

敗于寡君使寡君無忘先王之業又能上下說乎鬼

神順道其欲惡使神無怨恫于楚國又有藪曰雲連

徒洲金木竹箭之所生也龜珠齒角皮革羽毛所以

齊不以徑守之珠為室而檀子之守南城時子之守高唐縣夫之守徐州種首之倫盜賊皆齊之室也

漢諸葛亮云
秦欲伐楚使
使者觀楚之
宝器楚王召
昭奚恤而問
焉對曰宝器
在賢臣王遂
使昭奚恤應
馬稱曰客欲
觀楚之宝器
乎楚之所定
即賢臣也惟
大國之所觀
秦使無以對

備賦用以戒不虞者也。所以共幣帛以賓享于諸侯者也。若諸侯之好幣具而導之以訓詞。寡君其可免罪于諸侯。而國民保焉。此楚國之寶也。若夫白珩。先王之玩也。何寶焉。圉聞之。國之寶六而已。聖能制議百物。以輔相國家。則寶之。玉足以庇廕嘉穀。使無水旱之災。則寶之。龜足以憲滅否。則寶之。珠足以禦火災。則寶之。金足以禦兵亂。則寶之。山林藪澤足以備財用。則寶之。若夫譁囂之美。楚雖蠻夷。不能寶也。

舅犯

左傳晉獻公一十六年

舅犯字子犯。晉文公舅也。驪姬既譖殺太子申生。後譖二公子。將逐之。晉獻公二十二年。子犯奉公子重耳出奔狄。獻公卒。里克殺驪姬之子奚齊。卓子使告公子求入而納之。公子以告子犯。子犯不可。曰。夫堅樹在始。始不固本。終必稿落。夫長國者。惟知哀樂喜怒之節。是以導民。不哀求喪而求國難。因亂以入。始以喪得國。則必樂喪。樂喪必哀生。因亂以入。則必喜亂。喜亂必怠德。是哀樂喜怒之節易也。何以導民。重耳曰。非喪誰代。非亂誰納我。子犯曰。偃也。聞之。喪亂

人物備考

卷二

三

廉溪

有小大大喪大亂之刻也。也。刻。鋒。父母死為大喪。而在兄弟為大亂。今適當之。是故難。公子出見使者曰。子惠顧亡人重耳。父生不得供灑掃之臣。死又不敢蒞喪。以重其罪。且辱大夫。敢辭。夫固國者。在親眾而善鄰。在因民而順之。之。因。民。所。愛。而。立。之。為。順。民。也。苟眾所利。鄰國所立。大夫其從之。重耳不敢違。已而秦繆公使公子繫弔之曰。寡君使繫弔公子之憂。又重之以喪。寡人聞之。得國恒於斯。失國恒於斯。時亦不可失也。喪亦不可久也。公子其圖之。重耳告子犯。子犯曰。不可。亡人

左傳僖公二十三年

無親。信仁以為親。信。行。仁。道。然。後。有。親。是故置之者不殆。也。置。立。父死在堂而求利。人孰仁我。人實有之。我以微倖。人孰信我。不仁不信。將何以長利。重耳出見使者曰。君惠弔亡臣。又重有命。重耳身亡。父死不得與於哭泣之位。又何敢有他志。以辱君義。再拜不稽首。起而哭。退而不私。公子繫反命。穆公曰。仁人也。再拜不稽首。不敢為後也。起而哭。愛其父。孝也。退而不私。不役於利也。秦人遂納公子夷吾。是為惠公。惠公之七年。重耳去狄之齊。過衛。衛文公不禮。出於五鹿。乞食於

人物傳

卷二

三

濂溪

此得公過
之詞當表師
辱國之時士
論喧然故云
多詳

雖前句見上
多盤所致

昧，句，正是
他想隊出來
的口吻，勿作
突事

未申結更
系

人牛備考
其三帥穆公悔
過誓告群臣
首言第古
原板

公曰。嗟。我士。聽無譁。予誓告汝群言之首。首言第古
人有言曰。民訖自若是多盤。責人斯無難。惟受責俾
如流。是惟艱哉。訖。訖。盡。盤。安也。我心之憂。日月逾邁。若弗云
來。已。然。之。過。不。可。追。惟。古。之。謀。人。則。曰。未。就。予。忌。惟
今。之。謀。人。姑。將。以。為。親。雖。則。云。然。尚。猷。詢。茲。黃。髮。則
罔。所。愆。古。之。謀。人。老。成。之。士。也。番。番。良。士。旅。力。既。愆。
我。尚。有。之。佗。佗。勇。夫。射。御。不。違。我。尚。不。欲。惟。截。截。善
論。言。俾。君。子。易。辭。我。皇。多。有。之。佗。音。波。番。截。截。老。貌。佗。佗。勇。貌。截。截。老。貌。佗。佗。勇。貌。截。截。老。貌。

也。論。巧。昧。昧。我。思。之。如。有。一。介。臣。斷。斷。猗。無。他。枝。其。心。
休。休。焉。其。如。有。容。人。之。有。技。若。已。有。之。人。之。彥。聖。其
心。好。之。不。啻。如。自。其。口。出。是。能。容。之。以。保。我。子。孫。黎
民。亦。職。有。利。哉。人。之。有。技。冒。疾。以。惡。之。人。之。彥。聖。而
違。之。俾。不。達。是。不。能。容。以。不。能。保。我。子。孫。黎。民。亦。曰
始。哉。邦。之。杞。隍。曰。繇。一。人。邦。之。榮。懷。亦。尚。一。人。之。瘼。
也。杞。隍。不。安。也。懷。安。也。
財。用
王制冢宰制國用。必於歲之杪。五穀皆入。然後制國

王制冢宰制國用必於歲之杪五穀皆入然後制國
卷二
三

用。用地大小。視年之豐耗。以三十年之通。雖有旱乾
 水溢。民無菜色。天官以九職任萬民。一曰三農。山澤平地
 農。生九穀。二曰園圃。毓草木。三曰虞衡。作山澤之材。
 四曰藪牧。養蕃鳥獸。五曰百工。飭宅八材。六曰商賈。
 阜通財賄。七曰嬪婦。充治絲枲。八曰臣妾。聚斂疏材。
 如蕉葛可布。草根木寔可食者。九曰閒民。無常職。轉移備作於人執事。以
 九式均節財用。一曰祭祀之式。二曰賓客之式。三曰
 喪。有賄賂舍荒。賙恤賑之式。四曰羞膳服采之式。五
 曰工事之式。六曰幣帛之式。七曰芻草秣穀之式。八

曰匪分。頒之式。九曰好婚媾宗用之式。以九貢致邦
 國之用。一曰祀貢。二曰嬪貢。三曰器貢。四曰幣貢。五
 曰財貢。六曰貨貢。七曰服貢。八曰旂貢。九曰物貢。地
 官大司徒以荒政十有二。聚萬民。一曰散刺。二曰薄
 征。三曰緩刑。四曰弛役。五曰舍禁。六曰去譏。七曰省
 禮。八曰殺哀。九曰藩樂。閉歲樂器十曰多昏。十有一曰索
 鬼神。十有二曰除盜賊。

孟獻子

孟獻子名蔑。宣公九年。王徵聘於魯。周定王使人來魯召聘言徵者

左傳宣公九年

孟獻子

卷三

三

東坡

加諷諭不指斥言之公使獻子如周聘王以為有禮厚賄之十

四年楚子圍宋獻子言於公曰臣聞小國之免於大

國也聘而獻物於是有庭實旅百設籩豆百品實朝

而獻功君往朝覲而獻征於是容貌采章車服嘉

淑稱贊而有加貨報亦備謀其不免也誅而薦賄

後見責而進賄則無及也今楚在宋君其圖之圖所以明年

公使公孫歸父會楚子於宋是歲獻子會齊高固於

無婁高固娶子叔姬嘗與叔姬來魯未知是會高固

斷道之會高固逃歸意其人必專輒而成公六年晉

人來命伐宋獻子及叔孫宣伯侵宋十三年公如周

朝王獻子為介王說獻子賜之加厚遂從公會晉矣

伐秦獻子謂公曰晉師乘和帥軍帥也乘軍士也師

必有大功晉師與秦師戰於麻隧秦師敗績十八年

冬獻子會晉侯及諸侯盟於虛杅音謀救宋也於是

獻子請於諸侯而先歸會葬葬成襄公元年春會諸

侯之大夫圍宋彭城

魚石自宋逃楚楚伐宋而納魚石于宋之彭城此

去年之夏也至冬又復侵宋蓋既已納魚石據宋

成公十一年

襄公元年

人物傳

卷二

三五

一邑。因為薦食之謀。未已也。時晉悼公以十四歲
 新立。即會諸侯之師以救之。師至而楚師還。宋因
 辭諸侯。而請其師圍彭城。至是晉大夫帥諸大夫
 共圍之。彭城降。晉以魚石之族五大夫在彭城
 者。歸而寘諸郟丘。於是彭城復為宋有。木訥曰。伐
 叛討逆。伯主事也。悼公之興。首合諸侯之大夫為
 宋圍彭城。討魚石。得其職矣。且列國和會。而願奉
 其職也。

夏。復會諸侯之大夫。次於郟。

鄭從楚伐宋者也。晉既救宋矣。故遂伐鄭。會諸

侯之師次於郟者。為之接也。郟鄭地也。木訥曰。悼公
 可謂有謀矣。以韓厥攻其前。以五國之兵接其後。楚
 兵不出。則一韓厥足以敵鄭。楚兵若出。則五國之師
 足以闚楚。此皆所以謹用諸侯。而不忍輕敵其民也。

二年秋。會於戚。遂城虎牢。

左傳載會於戚。謀鄭也。孟獻子請城虎牢。以逼鄭。
 知武子曰。善。齊崔子今不來矣。滕薛小邾之不至。
 皆齊故也。將復於寡君。而請於齊。於是今年冬戚
 之會。齊滕小邾皆至。遂城虎牢。虎牢古虢國在漢
 為成皋。今為開封府汜水縣。巖險聞於天下。
 三年。公如晉。盟於長檮。獻子相公。稽首。知武子瑩曰。

年
 魯僖公三

左傳襄公四年

劉向新語

天子在而君辱稽首。寡君懼矣。獻子曰：以敝邑介在東表，密邇仇讐，寡君將君是望，敢不稽首。四年，公如晉聽政。晉侯享公，使請屬郟。魯欲使郟屬于晉，侯不許。獻子曰：寡君願固事君，無失官命。無失晉侯命，郟無賦於司馬。晉司馬掌諸侯之賦，政為執事朝夕之命。敝邑敝邑，褊小闕而為罪，寡君是以願借助焉。晉侯許之。獻子聘於晉，宣子觴之。三徙鐘石之懸，不移而具。獻子曰：富哉家！宣子曰：子之家與我孰富？獻子曰：吾甚貧，惟有二士。曰：顏回，茲無靈者，使吾邦家安平，百

左傳襄公五年

姓和協，惟此二者耳。獻子出，宣子曰：彼君子也，以養賢為富。我鄙人也，以鐘石金玉為富。五年，會吳於善道。春秋書仲孫蔑、衛孫林、父會、吳于善道。伐冰。

凌人掌冰。正月十有二月，令斬冰。三其凌。三其冰室，以備消釋。春始治鑑。盛冰之器。凡內外甕之膳羞，鑑焉。凡酒漿之酒醴，亦如之。祭祀共冰鑑。禦暑也。賓客共冰。不也。大喪共夷槃冰。尸之槃曰夷槃，寔冰槃也。夏頒冰。掌事。夏日暑甚，王以冰賜群臣，則凌人主其事。秋刷冰室。秋涼，冰不用，刷除新冰也。左傳

人物備考

卷二

三

昭公四年大雨雹季武子問於申豐申豐對曰聖人在上無雹雖有不為災古者日在北陸而藏冰也謂道夏十二月日在虛危水堅而藏之西陸朝覲而出之奎婁昂畢乃西昂畢星朝見東方日在其藏冰也深山窮谷固陰泓寒於是乎取之其出之也朝之祿位賓食喪祭於是乎用之其藏之也黑牡秬黍黑黍以享司寒之禘故物皆其出之也桃弧棘矢以除其災將御至尊故以桃邪其出入也時食肉之祿冰皆與焉大夫命婦喪浴用水祭寒而藏之祭享司寒獻羔而啓之二月春分

始開冰室公始用之火出而畢賦自命夫命婦至於老疾無不受冰山人取之縣人傳之山人縣官與人納之隸人藏之夫冰以風壯冰因風而堅而以風出順春風其藏之也用其用之也編則冬無愆陽夏無伏陰春無凄風秋無苦雨雷出不震無蓄霜雹癘疾不降民不夭扎七月之卒章藏水之道也風云二之日鑿冰陰其蚤獻羔祭非

物考 卷二 三九 濂溪

